

## Nwàk Bum sè Nwì à Nìtsè' Fa Jon

*Nwàk nè Jon à còm ènə nà' sə tsə' bum ñkùñntèñ sə yi à sə yə yà' co yi sə yə lo, ñga Nwì sə nìtsè' fa yi yà' yi. Jon nə dɛ' nja də Nwì a nìñ fa yi bum yè'sə, də anə kà sàp ñga yà' bùñ vè zìnə lañ. (Tañ mbùp 1:1). Ncèep gbù' ndzənə ñwàk ènə wùrìñ. Bum mok sè yi à yə sə, a sè wo à còm yà' ndzənə ñwàk Nwì ma nè Rùk nè zəm nə sè'. Bwìñ jəgə gbù' sə, nə sə tsok rɛñsə lo yà' bə mandzə zəzok wùrìñ. Megu də tu ncèp nè ñwàk nə tse' ñgòtsè' fa bwìñ nə nòye sə jəja də Nwì nə ghak bùñ sè wo sə bèn yi bə Satà pwe'fo' ndzə bohòjisòs Krɛst. Fana yi nə sə cum bə bùñ sè wo à còm liñ awo ndzənə ñwàk lùñ sə. Wo nə ye bùñ ye, yi ye Nwì yà'wèñ sè'.*

*A ye-a sè' də bum sè nja sə ka pwe' pap rɛɛñ wes fana ñgà còm ñwàk nə sə tsə' fa vesùwèñ də bùñ sè wo ta-a, nə sə yu'rə bum sè ndzənə ñwàk ènə fana Nwì nə se wo (tañ mbùp 1:3).*

### *Bum Sè Wo A Còm Ndzənə Nwàk Nə*

<sup>1</sup> Nè'e ñwàk bum sè Nwì à nìtsè' fa Jisòs Krɛst də nà'a tsok fa ñgàa fàha nà' wèñ, də yà'a nə ye vɛ'nə ghàr. Anə geñ, Jisòs tumsə masinjà ye də nà'a kə tsok fa ñgà fàk ye Jon bum yè'sə.

<sup>2</sup> Fana Jon nə bə tu ye à còm ncèp Nwì nè Jisòs à nìtsè' fa yi nə pwe'. Yi à còm, nə niñtsok fa bwì jəja kwarañgañ.

<sup>3</sup> Rɛŋsi bohòndàanwè pwe' nè yi jə ncèp nè nà'a vè bohòNwi ènə, nə taŋ fis nà' mɔtsè. Rɛŋsi sè' bohòbùu sè wo yuk ncèp ènə, nə gu mvè'nə nà' sə duk sè', bùusè mvək nè bum yè'sə nə ye sə kuəp laŋ.

### *Jon Cèpsə Coòs Sè Sàmba Sè Nze Esiyà Sə*

<sup>4</sup> Mù Jon ŋgà còm ŋwàk nè'e, mù sə cèpsə wen coos sè sàmba sè mvwe' nzenɔŋɔŋ Esiyà yà'a bèboŋ. Mù læŋ də Nwi gu wen bèboŋ, nə fa wen fifi sè'. Yi Nwi nè yi cu ŋga'a, nə ye nè yi à ye to mantombi, nə ye fe'lə sè' yi nè yi nè kə vè fe'lə nə. Bèboŋ bə fifi ènə nè nà' vè bohòyòŋsə sè sàmba sè wo tə mvwe' kapràak ye sə, yà'a ye bohòwèŋ sè'.

<sup>5</sup> Bəbo ènə və bohòJisòs Krɛst sè', nè yi ŋwə nè aco a naanɔtu bohòyi co ŋgà tsè' zìnə bə bum Nwi. A sè' yi nè Nwi à lòkoksə to mvwe' kpɔ fana yi ye ŋkum bohòŋkum sè sə nze pwe' yi. A kwasə yi bùusè yi à dzəm ves, nə kpɔ bohòvès sè' də ya yi fiŋ me'rə fis ves mvwe' bɔp avès bə nduəm ye.

<sup>6</sup> Yi a gu ves ŋgòye bùu sè mvwe' gaŋ ye. Nə gu ves sè' ŋgòye co ŋgàa fa satikà', nə sə fa gürə ŋgòkùksə liŋ tɛ' ye Nwi. Bwiŋ kuksə Jisòs nə, ŋaŋ pwe' bohòyi nə mvèsè nè mvèsè. Yà'a ye vɛ'nə.

<sup>7</sup> Wèeŋ ye, yi sə vè ndzənə mbàk fana, lis bwi pwe' nə ye yi. Bùu sè wo à sòp yi nə ye yi sè'. Bùu sè sənə nzenɔŋɔŋ pwe' nə warə də, <<A jap mù yà?>> bùu vèvè ye nə. Yà'a mvè'nə a nè ye li vɛ'nə. Yà'a ye vɛ'nə.

8 Tà Nwì àvès sè cèp dè, <<Ngòyèto a mù, ngòlèsè a sè' mù.>>\* Yi Nwì nè yi cu nga'a nè ye nè yi à ye to mantombi, nè ye fe'lè sè' yi nè yi nè kè vè fe'lè nè. Yi tse' nàṅ pwe' yi, nàṅ mok ka sè yà' càsè yi mok cum fe'lè.

### *Jon Yə Jisòs Bə Lis*

9 Mù Jon nè mù sè còm nṅwàk nè'e, mụ moma àwèṅ nè vesùwèṅ a be'lè mṅwe' mò'fis bə Jisòs. Vesùwèṅ sè yə lònṅə' bəbè', nè sè təṅṅ gūṅṅ būsè a tse' lo' Jisòs co nṅkum àvès. Numbu mòk à ye nga mù cu mṅwe' mṅlak mòk nè wo to nà' dè Patmòs. Mṅlak ènə à ye ndzə tsətsə'rə ndzəp. Wo à bə' gesə lòmṅ fo' dè būsè mù à sè tsòho ncèp Nwì nè ye bum sè Jisòs à nìtsè' dè yà'a zìnə sè.

10 Mù à ye fo', nga a numbu dzəṅ būs Nwì wèṅ. Yòṅsè nè Nwì à vèṅ, nè kotse' mṅ ghà ànə. Mù yuk nga nṅi mòk sè cèp fṅ nṅkwèṅ mù co wo sè fṅp ntàṅ vɛ'ɛ.

11 Nṅi nè duk fa mṅ dè, <<Jəṅ nṅwàk, nè com bum sè wù sè yə yè'e, nè tum fa lo coos sè sàmba. Coos sè mṅwe' lak Efesò, Sìminà, Pègamùm, Tiyatirà, Sadis, Filàdefiyà nè ye Làòdisiyà.>>

12 Anə ṅṅ mù bṅṅ dè ya mṅ ye nṅwè nè yi sè cèp bohòmè ènə. Mù à bṅṅ, mù ye yumok sàmba co bəbwe dzòok sè wo à gù yà' bə nsàp nteṅ nè wo togè nà' dè guù nà'a, sè co wù tes

\* **1:8 1:8** Wo à còm to nṅwàk nè'e, mṅwe' sè Yamba sè cèp dè ngòyèto à ye dè Alfà bə ncèp Grik. Mṅwe' sè Yamba sè cèp dè ngòlèsè à ye dè Omegà bə ncèp Grik. Alfà ye ncòm nè nà' yèto ncòm Grik sè, Omegà ye nè nà' lèsè.

kàk mbwa. <sup>13</sup> Mù ye ñwè nèmòk ñga yi səsə co mo ñwè, ñga yi tə mʉtsətsə'rəə bəbwe dzòok tes kàk sə. Yi à ni tse' cək nè nà' sap co sàro. Yi swi' tɪŋ yak nà' mʉŋgùu bə korə nè wo à gù nà' sè' bə guù.

<sup>14</sup> Nùəmtu ye sə fop pup pup co mbàk. Lis ye sə kʉə co lʉm mis.

<sup>15</sup> Kùu ye à sə rɛŋ daàŋ daàŋ co nteŋ nè wo tè kè vòho. Ngi ye ye co sə gbù cəcwà ndzəp nè ghaŋ.

<sup>16</sup> Yi à kotse' ñkəŋkàŋ sàmba ndzənə bo ma zʉu ye. Fèk mòk nè nà' à tse' ncʉəp ma ba à tesə tsə kè cùhu yi sè'. Si ye à sə rɛŋ co nùm sə to nè maràŋ.

<sup>17</sup> Mù à yə yi, mù coho gbʉ noon tsoŋ mvwe' kùu ye, co ñwè nè yi kɔʉ laŋ vɛ'ɛ. Fana yi naaŋ fa mʉ bo ma zʉ ye mʉ ni'ì, nə dʉk fa mʉ dʉk də, <<Kà wəp. A mù nè mʉ mantombi nə ye maŋkwèŋ sè' mù.

<sup>18</sup> A mù nè mù cu ñwəm nə. Mù à kɔʉ, nə lokok fe'lə sèmok. Mʉ nə cum mok mvèsè nè mvèsè. Ki ncùu kɔʉ nə ye nzeŋgòŋ yòŋsəə bù kɔʉkɔʉ pwe' cu ndzə bohòmù.

<sup>19</sup> Còm-a bum sè wù yə ñga'a yè'e pwe' ndzə ñwà'à. Còm sè yà'a nə ye ñga'a nə ye sè yà'a nè kè ye ntsə'mòk sè'.

<sup>20</sup> Mʉ rɛŋsə wu bə bum sè wù yə sə. Nkəŋkàaŋ sè sàmba sè wù yə ndzə bohòmù yà'a, a masinjàa am sè wo kùkgè coos sè sàmba sə. Bəbwe teberəə kàak sè sàmba sə yàwo coos sè sàmba sə.>>

## 2

### *Nwàk Cos Nè Mvwe' Lak Efesò*

<sup>1</sup> Nwè nè mù à yə nə à duk fa mali mu sè' duk də, <<Còm fa masinjà àm nè yi kùkgè cos nè mvwe' lak Efesònà'a duk də, nè'e ncép nè nà' vè bohòŋwè nè yi kotse' ŋkəŋkàaŋ sè sàmba sə ndzə bohòyi. Nə ye sè' yi nè yi gikε'gè mʉtsətsə'rəə bwe dzòok sè kàak təəŋgè mbwa sə.

<sup>2</sup> Mù rì wes ncu àwèŋ pwe'fo'. Mù rì mvè'nè wèŋ fàkgè bə ŋàŋ, nə ye mvè'nè wèŋ sə ko ntum, nə sə təəŋ mali gəgəŋ. Mù rì mvè'nè wèŋ sə jùm fis bùu sè bup mʉŋgorè wèŋ yà'a sè'. Nə riŋ fe'lə mvè'nè wèŋ a mʉmsə ja'a bùu sè wo sə duk bərə basə də wo ŋgàa ntum am ŋga wo ŋgàa mvwès yà'a sè'.

<sup>3</sup> Wèŋ sə ko ntum, wèŋ a yə ŋgə' bùu mù cèbùè, nə kà tɛŋsè.

<sup>4</sup> Megu də yumook nè' nè nà' sə kà mu vesùwèŋ bə. Yu nə də wèŋ sə kà mu mok mvè'nè wèŋ à sə dzəm to mu mantombi yà'a mok dzəm fe'lə.

<sup>5</sup> Ye də wèŋ tsərə fəsə mvè'nè wèŋ à sə dzəm to mu yà'a, nə bwi fa bup awèŋ ŋkwèŋ, nə sə gù mʉmvè'nè wèŋ à sə gù to mantombi. Wèŋ kà-a vɛ'nə gù, mù və, nə kə cok fis gəsə teberè àwèŋ nè kàak təəŋgè mbwa nà'a.

<sup>6</sup> A ye-a sè vɛ'nə fana yumòok nè' nè sə bòmʉ vesùwèŋ bùu zɛŋ. A də wèŋ sə bɛŋ bum sè bùu Nikolà wèŋ sə gù yà'a nè bup sè' co mvè'nè mù sə bɛŋ yà'.

<sup>7</sup> Nwè nè yi tse'-a ntu' ngòyuk bum bæ zen, yi yuk-a yusè Yònsè Nwi sè cèp bohòcoos sè. Nwè nè yi təəŋ-a guguŋ tètè nə ghak məmumsè fana nà'a yi nè Nwii nè fa yi mandzè də yi ni lo nə kə zə nto' tū lùŋ nè yi à bì nà' mvwe' nzum ye nə.

### *Nwàk Cos Nè Mvwe' Lak Siminà*

<sup>8</sup> <<Còm fa masinjà àm nè yi kùkgè cos nè mvwe' lak Siminà nà'a duk də, nè'e ncèp nè nà' vè bohòyi nè yi mantombi sè' yi, nə ye maŋkwèŋ sè' yi nə. Yi nè yi à kpə, nə lokok fe'lə səmok nə.

<sup>9</sup> Mù rì ngə' nè wèŋ sə yə. Mù rì də wèŋ ngàa jìŋ. Nga zìnə nə də wèŋ ngàa ghàk bæ mandzè mòk. Mù rì nsàap mvwées sè bùu sè wo sə to borə ni' awo də wo bùu Jus yà'a sə cì' fa wèŋ yà'a sè'. Bùu yà'sə wo ka bùu Jus yeŋ lok, wo yà'sə bòp bù Satà wèŋ.

<sup>10</sup> Nga sə də a və-a bohòwèŋ sè nsàp ngə' nè fòpwe', kà də wèŋ wəp duk. Yèè, Satàa nə mumsə wèŋ, nə gesə mòk sè mətsetsə'rəə wèŋ anə mɯ ndapndzəmè. Nsàp ngə' ànə nə cum dzeŋ megu nùumbu hum. A ye-a sè də wu nə kpə bùu mù, wù təəŋ mali bohòmù guguŋ, ya mɯ nə lak wu bæ tàŋ nè nà'a lùŋ nə. <sup>11</sup> Nwè nè yi tse'-a ntu', yi yu'rə-a yusè Yònsè Nwi sè cèp bohòcoos wèŋ. Nwè nè yi təəŋ-a guguŋ, nə ghak məmumsè fana ye də kpə nè nà' sə vè maŋkwèŋ nə kà yi jwèŋ lok.

### *Nwàk Cos Nè Mvwe' Lak Pegamùm*

<sup>12</sup> <<Còm fa masinjà àm nè yi kùkgè cos nè mvwe' lak Pegamùm nà'a duk də, nè'e ncèp nè

nà' tesə vè mụ cùhu ɲwè nè yi tse' fèk nè bə ncəp ma ba nə.

<sup>13</sup> Mù rì mvwe' sè wèŋ cu yà'sə bəboŋ də a fo' mvwe' ntum lak Satà. Mù rì də wèŋ sə duk mègù də wèŋ bùu am. Wo a zə Antipà nè yi à sə ye zìnə bohòmù fa'nə, də bùusè yi à cèp fis jəja də yi ɲwè àm. Wo à zə yi ve'nə, wèŋ kà mụ sè' bèn.

<sup>14</sup> Megu də bum mok cu sè wèŋ sə gùu sè yà' sə kà mụ bò. Bùu mok cu mʉtsətsə'rəə wèŋ sè wo sə gù nsàap bum lak sè co rùm wèŋ, co sè Balàm à sə yə'rə fa bwì yà'a. A yi nè yi à tipsə Balàk ɲgòjə lòbùu Izùre wèŋ mvwe' gù bup nə. Yi à gù ve'nə ɲkuŋ wo sə zə bum sè bup sè co bum rùm, nə sə koho sàhà sè'.

<sup>15</sup> Bùu mok cu mʉŋgorè wèŋ sè' sè wo sə be' mandzè Nikolà. Wo sə gù nsàap bup sè Balàm à yə'rə yà'a.

<sup>16</sup> Ye də wèŋ kupsə-a wàp, bwère mụ nə və ve'e nènàk, nə lu ves bùu yà'sə wèŋ bə fèk nè mụ cùhu mù nə.

<sup>17</sup> ɲwè nè yi tse'-a ntu' ɲgòyuk bum fo', yi yuk-a bum yè'sə sè Yòŋsə Nwì sə cèp bohòcoos sə. ɲwè nè yi təəŋ-a gugũ tètè nə ghak mèmumsè fana, mụ nə fa yi beŋ Nwì sə kaco lis ye yà' yeŋ sə. Mụ nə fa fe'lə yi lis nè fəfop nè wo còm naaŋ liŋ sè fi mbwa. ɲwè nəmòok nə kà liŋ sə rì lok. A nə riŋ megu yà' ɲwè nè mụ fa yi yà' nə.

### *Nwàk Cos Nè Mvwe' Lak Tiyàtirà*

<sup>18</sup> <<Còm fa masinjà àm nè yi kùkgè cos àm nè mvwe' lak Tiyatirà nà'a duk də, nè'e ncèp nè nà' tesə vè mụ cùhu mo Nwì. Yi nè lis ye sə kuə co

lum mis, kùu ye sə rɛŋ daàŋ daàŋ co ntɛŋ nè wo tɛŋ kè misè nə.

<sup>19</sup> Mù rì ncu àwèŋ bəboŋ. Mù rì də wèŋ tse' ntum nè ŋgòdzəm mòk bə mòk. Mù rì sè' mvè'nè wèŋ tə bə mandzè nè zìnə bohòmà, mù rì də wèŋ fàkgè gɔgɔŋ, nə sə ko ntum sè'. Mù rì sè' laŋ də bum sè wèŋ sə fàk ŋga'a pwe'fo', bòghak zeŋ nə noŋsə mvè'nè à ye to mantombi.

<sup>20</sup> Mègù də yumòk cu mò'fis nè wèŋ sə gù nè mù ka nà' dzəm. Yu nə də, wèŋ sə mè'rə ŋwà nè wo to yi də Jesebè nà'a ŋgòcu mɔtsətsə'rə wèŋ. Yi sə duk də yi sə tsòho ncèp Nwi, ŋga a mwès wà. Yi sə gù bùu am wèŋ ŋgòkoho sàhà, nə sə zə kɛ'ca bum rùm wèŋ nduk.

<sup>21</sup> Mù a fa yi mɔmvək momjo də ya yi tɛŋsə ŋgògù bɔp ye sə, fana yi kà dzəm ŋgòmè'rə ko sàhà dzəm.

<sup>22</sup> Ye də mɔ nə gɔ yi, yi kok kèe yiyaŋ maràŋ ya bə bùu sè bə yà'wèŋ kogè nto sə wèŋ nə ye ŋgə' bəboŋni. Mɔ nə gɔ li vɛ'nə tse'ŋga wo mè'rə mandzè àwo ànə.

<sup>23</sup> Mɔ nə zə bwe ye sə pwe'fo'. Mɔ nə gɔ vɛ'nə ya cos pwe' riŋ də mù rì tse' vèəm bwì pwe'fo'. Mɔ nə lak ndàaŋwè pwe'fo' mvè'nè yi à gù fàak ye.

<sup>24</sup> <<Nə ye də bohòwèŋ bwes bùu sè mvwe' lak Tiyatirà, wèŋ a ka mandzè Jesebè nə yuŋ. Wèŋ na ka bum ŋwəŋwa sè Satà sə rì. Ye də bohòwèŋ yàwèŋ, mù ka yumok zok sè mù sə duk wèŋ gɔ tse'.

<sup>25</sup> Megu də wèŋ kotse' bum sè wèŋ a yə'rə yà'a cùk tètè mà bwì və.



<sup>26</sup> Nə ye də bohòbòp bù nè wo tə gugun tètè nə kə ghak mèmumsə, nə sə gu yusè mù sə dzəm, fana mu nə fa wo nən bə bòop lak sè zəzok sə pwe'fo'.

<sup>27</sup> Mu nə fa wo nən sə sè' mvè'nè tètè am a fa mu. Wo nə sə sak gan mətuhù bòop lak yè'sə bə ntò' nkum nè wo à gù nà' bə nten. Wo nə ləp vè'rə yà' co mvè'nè nwee ləp vè'rəgè kùn nçak yà'a.

<sup>28</sup> Bùn sè wo ghak mèmumsə yè'sə, mu nè fa wo sən̄tsok sè'.

<sup>29</sup> Nwè nè yi tse'-a ntu' ngòyuk bum fo' fana yi yu'rə-a bum sè Yònsè Nwi sè tsè' fa coos sə.

### 3

#### *Nwàk Cos Nè Mvwe' Lak Sadis*

<sup>1</sup> <<Còm fa masinjà àm nè yi kùkgè cos nè mvwe' lak Sadis nà'a duk də, nè'e ncèp nè nà' tesə vè bohòyi nè yi tse' yònsè Nwi sè sàm̄ba, nə tse' nkən̄kàan sè sàm̄ba sə. Mù rì ncu àwèn̄ nè wèn̄ cu nə. Bwìi n̄ tsərəgè də wèn̄ cu n̄wəm, n̄ga wèn̄ a kp̄ lān̄.

<sup>2</sup> Wèen̄ lokok mvwe' lo wàp, nə lumsə fe'lə m̄yònsè nè nà' sə kàha malì nà'a, ya kà də nà'a kp̄ liīn̄ wesə duk. Mù yə də ncu àwèn̄ ka kək̄urè pap mantombii Nwi yen̄.

<sup>3</sup> Ye də bòghak də wèen̄ tsərə fəsə man̄kwèn̄ bə bum sè wèn̄ ànə yuk to yà', nə jən̄ yà' yà'a. Wèen̄ sə gu yà', nə bwi fa b̄p̄ awèn̄ nk̄wèn̄. A ye-a n̄ga wèn̄ ka lokok, ye də mu nə və nə kə tsen̄ wen̄ co n̄gà yè vè yi, wèn̄ kà mvèk nè yi vèə nə rì.

4 <<Megu də wèŋ bùu Sadis mok sè wèŋ ka ŋkùuŋ yeŋ, wèŋ a nòŋsə ni' awèŋ rərəŋ. Bùu yà'sə nə nitse' cəək sè fəfop, nə gi venə wèŋ bùusè wo kəkərè ŋgògì venə wèŋ ve'nə.

5 Bùu sè wo təəŋ guguŋ tètè nə ghak mèmumsè fana wo nè ni cəək fəfop sè' ve'nə. Nə ye sè' də mu nə kà liŋ awo ndzənə ŋwàk lùŋ yisè fis. Mu nè təəŋ mantombii Tè' am nə ye masinjaa ye wèŋ, nə tsok jəja də wo bùu am.

6 Nwè nè yi tse'-a ntu' ŋgòyuk bum bə zeŋ, yi yu'rə-a bum sè Yòŋsə Nwi sè tsè' fa coos sə.

### *Nwàk Cos Nè Mvwe' Lak Filàdefiyà*

7 <<Còm fa masinjà àm nè yi kùkgè cos nè mvwe' lak Filàdefiyà nà'a duk də, nè'e ncèp nè nà' tesə vè bohòmo Nwi nè rərəŋ, nə ye sè' yi nè yi zìnə nə. Yi tse' ki ncùu ŋkum Devìd ndzə bohòyi. Yi lok-a ncùu sə, ŋwè nəmòk kà mùk, yi mùk-a yà', ŋwè kà sè' lok fe'lə.

8 Mù rì ncu àwèŋ. Mù rì də wèŋ a ye-a sè jì òàŋ, wèŋ sə yuk duk àm laŋ. Wèŋ a ka də wèŋ ka bùu am yeŋ sè' beŋ yuk. Ye də mù a mùk nòŋsə fa weŋ ncùu sè kaco ŋwè nəmòk lok yà' yeŋ.

9 Wèeŋ ja'a àwèŋ mvè'nè mu nə gu bùu sè wo bòp bù Satà, nə sè ci' mvwès də wo bùu Jus yà'a nè. Mu nə gu wo ŋgòkè təəŋ bə tumfərə sə ŋki'i wèŋ, nə wup fa weŋ bo, ya wo riŋ də mù dzəm weŋ.

10 Wèŋ a yuk duk àm, nə təəŋ bə kontəm laŋ. Mvè'nè wèŋ a yuk mu ve'nə, mu nə nòŋsə weŋ bèbòŋ, ghà nè ŋgə'ə nè vè sənə nzeŋgònə pwe' ŋgòmùmsə bwì.

11 <<Anə kà sàp nga mù vè laŋ. Wèeŋ kotse' bum sè wèŋ tse' yà'sə cùk. Wèeŋ kotse' cùk ya ŋwè nəmòok kà lèlāk awèŋ nə kè fèp jə lò.

12 Bùu sè wo təəŋ-a gūgūŋ tètè nə ghak mèmumsè fana mù gu wo co tàaŋ-ndap Nwi àm, wo nə mam fo' tètè nə kà cohòyuk. Mə nə com naaŋ liŋ Nwi àm mənì'ì wo. Mù com naaŋ fe'lə fa wo liŋ lak Nwi àm nè nà'a də, Jòrosalèm nè Fi, nè nà' sə tesə tsooŋ mabu bohòNwi àm nə. Mə nə com naaŋ fa wo liŋ am sè fi mənì'ì wo anə sè'.

13 Nwè nè yi tse'-a ntu' ŋgòyuk bum bə zeŋ fana yi yu'rə-a bum sè Yòŋsə Nwi sə tsè' fa coos sə.

### *Nwàk Cos Nè Mvwe' Lak Làòdisiyà*

14 <<Còm fa masinjà àm nè yi kùkgè cos àm nè mvwe' lak Làòdisiyà nà'a duk də, nè'e ncép nè nà' tesə vè bohòŋwè nè liŋ yee də, <Yà'a ye ve'nə.> Yi zìnə, nə ye ŋwè nè aco a naaŋ tu bohòyi. Nwi à gù bum pwe' də yà'a yeto vè bohòyi nə.

15 Mù rì ncu àwèŋ bèboŋ. Wèŋ ka bohòmù fifi yeŋ, nə kà cəcuŋ sè' ye. A nə boŋ ghak də wèeŋ ye lə mòk mətsetsə'rəə bòop bum sè ba yè'sə.

16 Nə yeè nə də wèŋ mègù yəyarə fana mə nə te fis mak weŋ mə cùhu mù fo'.

17 Wèŋ sə duk də wèeŋ ŋgàa rəŋsi nə ye ŋgàa ghàk də wèŋ sə kà yumok jamə. Wèŋ sə duk ve'nə, nə kà rì də wèeŋ co bwìŋ koksə manziŋ bohòwèŋ rì. Wèeŋ ŋgàa jìŋ, sə gi mbwè to, nə ye ŋgàa ntwì lis.

18 Ye dè mù sè tip wen duk dè, wèen vè kè ywiŋ guù sè wo a tè rɛŋsə yà' daàŋ, daàŋ bohòmù, ya nga wèen tse' ghàk. Wèen kè ywiŋ jəŋ cèək fəfop sè' bohòmù ya nga wèen lok marè'tu awèŋ fo', nè ywiŋ ncèp sè ya nga wèen gesə mälisè wèŋ ya wèen ye bum.

19 Mɛ jwagè ɲwè nè mù dzəm yi, nè taksə sè' yi nè, ya nga yi tse' ɲkərè. Ye dè wèen ye cəcuŋ, nè bwi fa-a bɔp awèŋ ɲkwèŋ.

20 Wèen ye, mù tə sè ncùhu, nè sè kum; a ye-a nga ɲwè nè yi yuk ɲgi àm nè muk fa mɛ ncùu sè fana, mɛ nè ni lo munda'à yi anə. Mɛ ni lòmbwa, vesi zɛ be'lə bɛŋ mvwe' mò'fis.

21 ɲwè nè yi təŋ-a gɔgɔŋ tètè nè kè ghak məmumsə fana mɛ nè fa yi mandzè ɲgòcu vesə mɛmvwe' kapràk àm. Yi nè cum be'lə venə mvè'nè mù ànə ghak yàm sè', nè kè cum be'lə ves Tè' àm mənə kapràk ye.

22 ɲwè nè yi tse'-a ntu' ɲgòyuk bum bə zəŋ, yi yu'rə-a bum sè Yòŋsè Nwi sè tsè' fa coos sə.>>

## 4

### *Jon Yə Kapràk Nwi Mɛbu*

1 Yà'sə ànə ca wes me fana mù ye fe'lə yumok səmok. Mɛ à yə nga ncùu sè mɛbu mùhu nòto. Mɛ yuk fe'lə ɲgi nè nà' à cèp co ntàŋ nè mù à yuk to nà' fa' mantombi nà'a. Yi to mɛ, nè duk dè, <<Kok vè fɛŋ ya mɛ niŋtsok fa wu bum sè yà'a nè kè ye ntsə'mòk.>>

2 Anə gɛŋ Yòŋsè Nwi kè kotse' mɛ vɛ'ɛ ghà ànə. Mɛ ye kapràk mɛbu anə nga ɲwè cu mbwa.

<sup>3</sup> Si ηwè nè yi à cu mùmνwe' kapràk nè à sè bà'a rεη κε' ncòm bèbηη bε fεfop wεη, co nsàap liis mok sè wo togè yà' dε Damùn nè ye Rubì. Mvəmνòk à gùm dzòoη kapràk nè. Nà' à tse' ncòm lis nè wo togè nà' dε emerà, yà'a co ncòm ηgaη sè fi.

<sup>4</sup> Mù à yε fe'lε kapràak mok hum ba-ncòp-kwè. Yà' à tεoη gùm dzòoη gèsε lòkapràk mòk nè ghaη nè mütsetserè. Mù ye bù ηkwàha bwì sè' hum ba-ncòp-kwè ηga wo nitse' cèæk sè fεfop, nè cum yak münε kapràak yè'sε. Wo à ta tse' tàam ηkum mütuhù wo. Tàam sε à ye sè wo à gù yà' bε guù lòoη.

<sup>5</sup> Mbùn à sè bà'a, nè sε cwìη vε mνwe' kapràk nè vε'ε nèbup. Mù ye kàk sàmba ηga yà' sε kùε rεη mνwe' kapràk nè vε'ε büm̄m. Kàak yè'sε à tε bε tu yòηsè Nwì sè sàmba sε.

<sup>6</sup> Mù ye tèm mòk mantombii kapràk nè. Tèm nè à sε rεη vε'ε ηjàaη.

Mù à yε fe'lε yusəmok kwè ηga yà' tse' yòηsè. Wo tεoη dzooη kapràk nè. Wo à tse' lis ηkùuηntèη. Lis sε à ye muni'ì wo, ma si bε maηkwèη wèη pwe'.

<sup>7</sup> Nè mantombi nè à səsε co gwim. Nè ba səsε ye co ndu-mbòη. Nè tε' à tse' si sè yà' səsε si ηwè. Nè kwè nè à səsε ye co mpì nè yi sε dzòoη dzòoη.

<sup>8</sup> Nè fòpwe' à tse' bàp ntùηfu. Ni' awo sε à ye gù liis-lis, bε sε ηkwèη bàp mwè pwe'. Wo sε yəm ηkì nùm bε ndzəm, nè kà tεηsè lok. Wo sε yəm duk dε,

<<Nwì, wu rεrεη, wu rεrεη, wu rεrεη.

Wù à ye to wù, cu nga'a sè' wù,  
 Anè kè vè ntsə'mòk sè' wù.  
 Tà mayumòk, Tà mayumòk wu Tà, Nwì nè ghan  
 nè.>>

<sup>9</sup> Bum sè kwè sè wo à tse' yònsè sè à sè yəm ηkì  
 ηgòkùksə nè sə kwasə liη ηwè nè yi à cu mənə  
 kapràk nè. Yi nè yi cu mvèsè nè mvèsè.

<sup>10</sup> Wo yəm vε'nə fana bù ηkwàha bù sè hum  
 ba-ncòp-kwè sə wèη gbə sə nze, nè kuksə yi sè'.  
 Wo cok noηsə tàam awo sə mantombii kapràk  
 ye nè, nè sə duk də,

<sup>11</sup> <<Mbè, Tà, nè ye Nwì,  
 wu kəkùrè bohòbwì ηgòkùksə wu, wəp wu nè  
 fa wu ηàη.

Busè wù à gù bum pwe' wù.

Wù à tsərə kok sè' wù də bum pwe' ye.>>

## 5

### *Wo Sə Kùksə Mo Nsùŋgaη Nè Yi A Lòkok Mvwe' Kpə*

<sup>1</sup> Anə geη, mù ye nga ηwè nè yi cu mənə  
 kapràk nè kotse' ηwàk mòk bo ma zə. Nwàk nè  
 à ye nsàp nè co wù lim nà'. Wo à còm nà' ma  
 mənkwèη bə ndzə ntòpwe'fo'. Wo jəη liη, nè  
 lem lok nà' bə zeη bòp sàmba.

<sup>2</sup> Mù ye masinjà Nwì mòk nè yi tse' ηàη, yi sə  
 fuη bə ηàη də, <<Nwè nè yi kùrə co yi yep fis to  
 liη yè'e, nè firə to ηwàk nè'e ndà?>>

<sup>3</sup> Nwè à ka nè mò'fis məbu kè sə nzeηgòn kè  
 mvwe' bù kpəkpu àlε nè co yi muk nà' yeη.

<sup>4</sup> Mù à yə vε'nə, waη ko mə bùusè ηwè nè  
 mò'fis co yi muk nà' à ka yeη.

<sup>5</sup> Fana ηkwà'ηwè mòk mʉtsətsə'rəə sè hum ba-ncòp-kwè sə à duk mu də, <<Tsəp; kà wa bùusè ηwè nəmòok yo nè co yi muk. Yèè, ηwè nè wo to yi də Gwim nè yi tesə mvwe' bòp lak Judà, nè yi ηgwì ηkum Devìd nà'a kèkurè ηgòyep fis liiη sə, nè muk ηwàk nè. Yi à ghak bum pwe' yi.>>

<sup>6</sup> Fana mù ye Mo Nsùŋgaη mòk ηga yi tə mʉtsətsə'rəə kapràk nè bə bum sè kwè sè wo tse' yòŋsè sə. Bù ηkwàha bùu sè hum ba-ncòp-kwè sə wèη təəη gum gesə lo yi mʉtsətsə'rə. Nsùŋga nè à sə yəəη co wo à zə yuk yi mantombi laη. Yi à tse' ndoη sàmba, nè tse' lis sè' sàmba. Lis sè sàmba yè'sə à sə təəη mənə tu yòŋsè Nwi sè sàmba sè yi à tumsə vesə yà' sənə nzeŋgònə ma nè fòpwe' sə.

<sup>7</sup> Fana Mo Nsùŋgaη nè və, nè kə jəη ηwàk nè nà' ye ndzənə bo ma zuu ηwè nè yi cu mənə kapràk nè.

<sup>8</sup> Yi ànə jəη ηwàk nè vε'nə fana bum sè ηwəm kwè sə bə bù ηkwàha bùu sè hum ba-ncòp-kwè sə wèη bùhə mantombi yi anə sə nze. Ndàaηwè à tse' luη, nè tse' ηgàp nè wo à gù bə guù bə làmindà ca. Làmindàa sə à təəη mənə tu piriyaà bùu Nwi pwe'fo'.

<sup>9</sup> Wo à yəm ηkì nè fi. Wo sə yəm də, <<Wu kèkurè ηgòjə ηwàk nè, nè yep fis liiη sə. Bùsè wo à zə wu fana wù ywiη fa Nwi bwì sənə nzeŋgònə pwe' nè pwe' bə kpə yònə. Wù à ywiη və wo mvwe' bòop lak pwe', mvwe' ncèep lak pwe' nè ye mvwe' ηgwì bwì pwe'fo' sè'.

10 Wù a gù wo ngòye mok mvwe' gan nkum Nwi,  
nə gu wo ngòsə fa gùrè co ngàa fa satikà'a  
sè ngòkùksə Nwi.

A sè' wo sè wo nə kok nkum sə nzenḡon anə.>>

11 Mù à kùk fe'lə mok fana mù ye masinjàa Nwi,  
nə yuk ngii awo. Wo à ye ve'ε ncùhù malà' co wù  
kà ta to. Wo à təəḡ dzòon kapràk nə bə bum sè  
ḡwəm kwè bə bù ḡkwàha bùu sè hum ba-ncòp-  
kwè sə wènḡ pwe' mətsetsə'rè.

12 Wo sə yəm fuḡ fis duk də,

<<Oòwù Mo Nsùḡgan nè wo à zə,

Wu kəkùrè ḡgòtse' ḡḡ.

Wu kəkùrè ḡgòtse' ḡhàk

Wu kəkùrè ḡgòtse' ḡkərè pwe'.

Wu kəkùrè ḡgòtse' yònḡ.

Wu kəkùrè wù co bwì pwe' kùksə wu.

Wu kəkùrè co bwì kwasə wu.

Wu kəkùrè co liḡ yoo yam lo mantombi.>>

13 Anə ḡḡ mù yuk ḡḡi bum sè mabu bə sə nze  
nə ye sè wo cu ma sə mbwè nzenḡonə wènḡ pwe'.

Mù yuk ḡḡi bum sè ma sə ndzəpè bə ḡḡi bum  
sè yà' tse' yònḡsè ḡga wo cu-a sè ma fòkè fòpwe'

nè pwe', ḡga wo sə yəm ḡkì. Wo sə yəm duk də,

Vès kwasə wù nè wù cu mənə kapràk,

Nə kwasə Mo Nsùḡgan nə sè'.

Vès kùksə wu, nə yamsə liḡ yo.

Vès sə duk də kapràk yònə ye ḡḡ yoo mam  
ḡḡḡḡ fo' mvèsə nè mvèsè.

14 A nə ye ve'nə, yum sè kwè sə wènḡ kwi' də, <<A  
ye ve'nə.>> Fana bù ḡkwàha bùu sə wènḡ bùhu sə  
nze, nə kùksə yi.



## 6

### *Mo Nsùnga Nə Ye NgòYep Fis Liiŋ Sè Sàm̄ba Sə*

<sup>1</sup> Anə geŋ, mù ye nga Mo Nsùnga nə yep fis to liiŋ nè mò'fis mvwe' liiŋ sè sàm̄ba sə. Yi à yep ntèŋ, mù yuk ŋgì yum sè wo kwè sə mòk. Ngì nè à cèp bə ñàŋ co mbàŋ sak yi ve'ε. Nà' cep də, <<Tesə vəə.>>

<sup>2</sup> Mù ye fe'lə nàmbà'rè nè fəfop nga nà' tesə vəə. Mù ye nga ŋwə nəmòk yi kok cu mənə nàmbà'rè, nə kotse' wòmŋgiŋ ndzə bohòyi. Wo à fa yi tàŋ ŋwə nè ghaŋ mòk. Yi à lòsə ŋgòghak lòmok sè ŋkuŋ.

<sup>3</sup> Mo Nsùnga nə yep fis liiŋ nè ba, ŋgì yu nè ba cep sè'. Ngì nè duk də, <<Tesə vəə.>>

<sup>4</sup> Nàmbà'rè nè bəbaŋ tesə vəə nga wo fa ŋwə nè yi kok cu mbwa nə ñàŋ ŋgòkə jə fis lògesə fifi sənə nzeŋgòŋ nə ya bwiiŋ ləlù, nə zə ni'. Yi à kotse' fèk nè ghaŋ ndzə bohòyi sè'.

<sup>5</sup> Yi yep fis nə te', yu nè te' cep sè' də, <<Tesə vəə.>> Mù ye nga nàmbà'rè nè səsəŋ tesə vəə. Mù ye nga ŋwə nè yi kok cu mbwa nə kotse' kilù ndzə bohòyi.

<sup>6</sup> Mù yuk gù co ŋgì mòk cèp vèsə mvwe' bum sè kwè sə duk də, <<Ŋwèè nə jə mbàam sè yi fàk yiskok nùmbu mò'fis, nə ywiŋ ndooŋ rɛès te', nə jə fe'lə sè' mbàam ntsə' fàk mòk, nə ywiŋ ndooŋ gòmbì ntùŋfu.>> Yi duk fe'lə sè' də, <<Wèeŋ kà mve' nə ye rùk gù bupsə.>>

<sup>7</sup> Fana Mo Nsùnga nə yep fis fe'lə liiŋ nè kwè. Mù yuk nga yum sè ŋwəm sə nè kwè cèp də, <<Tesə vəə.>>

<sup>8</sup> Mù ye nàmbà'rè mòk nè yi kpu ncòm dèmm ve'. Liṅ ḡwè nè yi à kok cu mənə nàmbà'rè ènə à ye də Kpu. Nzenḡòn yòṅsəə bù kpu kpu à sə bε' lònwè ènə sè' maṅkwèṅ. Wo à fa wo ḡàṅ də wo zə bwìṅ bòp mò'fis sənə bòp kwè bə bùu sè sə nzenḡòn sə pwe'. Də wo zə wo bə fèk, nə jəṅ və nḡè bə yiyaṅ nə ye fe'lə bə nàam sè bup sè co yà' ko bwìṅ.

<sup>9</sup> Yi yep fe'lə liṅ nè tàṅ nə. Mù ye yòṅsəə bùu sè wo à zə wo də bùusè wo à dzəm Nwi bə zìnə, nə sə tsoho ncèp ye nə wèṅ. Yòṅsəə bùu yè'sə à ye ma sənə mbwè kàm nè wo fagè satikà' bohòNwi fo'.

<sup>10</sup> Wo à wa furə fis bə ḡàṅ də, <<Oò, wùu Nwi Tà nè wù tse' bwìṅ pwe' wù. Wu rərəṅ nə ye zìnə. Wù sə duk də vèes nə cum mali fən, nə kə dzen sèṅ ḡkuṅ ya ḡa wu nə sak bùu sè sə nzenḡòn sè wo à zə ves yà'a, nə tukse wo-ε?>>

<sup>11</sup> Anə ḡeṅ, wo fa cək nè fəfop bohòndaṅwè pwe' bə tu. Wo tsok fa fe'lə yà' sè' də, yà'a cum yonṣə tse' ntòve'nə bùusè wo ka pwe'fo' ntòme wes. Wo də bwema yà'wèṅ mok sè wo sə fàk lo' bohòNwi cu li sè nzenḡònə nə zə wo sè' ḡkuṅ.

<sup>12</sup> Mù ye fe'lə ḡa Mo Nsùṅga nə yep fis liṅ nè ntùṅfu nə. Mə kək à, ḡa nzenḡòn sə tsòho ve'ε bə ḡàṅ wù kà fùk. Nùm seṅ bùuṅ bìp, bìp, bìp co gàcək nè səsəṅ. Nwə baṅ bùuṅ ye co nduəm jwaàṅ.

<sup>13</sup> Nkèṅkàṅ sə coho ḡbu tson mabu co bwe ḡwii piàa sə yè' wo.

<sup>14</sup> Ngùp ntòbu à nòm bisə ve'ε ywep kè' mò'fis, co wo lim ḡesə kəà. Nda pwe'fo' nə ye bə nze

sè yà' à ye mʉtsətsə'rəə ndzəp pwe', à coho gəsə fo'.

<sup>15</sup> Bwìŋ pwe' à sòbo bə caŋ ŋgòkè swìhi. Nkəŋkum wèŋ, bə ŋkwàha bwìŋ wèŋ, ŋkum sojà wèŋ, ŋgàa ghàk nə ye bə bùu sè wo tse' liŋ wèŋ, ŋkwèŋ bə bwe nze wèŋ pwe' à ca swìhi. Mok à ca ni sənə mvòk, mok swìhi noon ke' bə mbwèe lis wèŋ nduk.

<sup>16</sup> Wo waŋ to nda bə lis wèŋ də yà'a kə kəəŋ gbù mɯ ni'ì wo ya ŋwè nè nà' cu mʉnə kapràk nà'a kà wo yə, ya wo caŋ gəsə mvwe' ŋgə' nè Mo Nsùŋga də yi fa wo nə sè'.

<sup>17</sup> Bʉsè mvək awo ŋgòjòok vè laŋ, ŋgà mù' cùu nə kà ye.

## 7

### *Wo Naan Fa Bùu Izùre Wèŋ Mok Ncòom Nwi*

<sup>1</sup> Yà'sə ànə me fana mù ye masinjàa Nwi kwè ŋga wo tə mvwe' tò'o nzenɡòn kwè fo'. Wo à sə təəŋ fo', nə sə kotse' fəsə fèfèə sè bə tò'o nzenɡòn sè kwè sə də ya yà'a kà cà. Fèfè à sə kà mʉmvwe' nze nə cà, kà mʉ ndzəpè sè' cà, nə kà mʉ tʉhù sè' cà lok.

<sup>2</sup> Fana mù ye fe'lə masinjà Nwi mòk nè yi ànə tesə və ma ntonùm. Yi à kotse' yu nè ŋgòbèŋbo bə zen ndzə bohòyi. A ye yu beŋbo nè Nwi nè yi cu ŋwəm nə. Masinjà Nwi nə à to fuŋ masinjàa mok sè kwè, sè Nwi anə fa wo ŋàŋ ŋgòbʉpsə nzenɡòn, nə ye ŋgòbʉpsə ndzəp sè'.

<sup>3</sup> Yi tsok fa yà'wèŋ də yà'a kà nzenɡòn kə ndzəp àle ntòbʉpsə. Yi də yà'a yuk tètè tse'ŋga

wo còm naan fa wes ηgàa fàak Nwi wèn ncòm mæ nzà sihi ηkuη.

<sup>4</sup> Anə geη mù yuk mvə'nè wo tsə' də a bwì sùnε sè wo tse' ncòm yè'sə mæsihi wo sə. Wo à duk də a bwì ncùhù ηkù mò'fis bæ ncùhù hum kwè-ncòp-kwè, sè wo à tesə mvwe' buhu lak Izùε mò'fis, mò'fis.

<sup>5</sup> Bùu sè wo à naan fa wo ncòm mvwe' buk lak Judà à ye bwì ncùhù hum-ncòp-ba. Buk lak Rubè à ye ncùhù hum-ncòp-ba. Buk lak Gaàd à ye ncùhù hum-ncòp-ba.

<sup>6</sup> Buk lak Asà à ye ncùhù hum-ncòp-ba. Buk lak Naptalè à ye ncùhù hum-ncòp-ba. Buk lak Manasà à ye ncùhù hum-ncòp-ba.

<sup>7</sup> Buk lak Saimè à ye ncùhù hum-ncòp-ba. Buk lak Levi à ye ncùhù hum-ncòp-ba. Buk lak Izakà à ye ncùhù hum-ncòp-ba.

<sup>8</sup> Buk lak Zebulà à ye ncùhù hum-ncòp-ba. Buk lak Jòsep à ye ncùhù hum-ncòp-ba, nè ye mvwe' buk lak Benjamè sè' bwì ncùhù hum-ncòp-ba.

### *Bwì Co Wù Kà Ta To Sə Kùksə Nwi*

<sup>9</sup> Yà'sə à mèe, mù ye fe'lə bwì vε'ε nduk nè nduk co ηwè kà ta to. Bùu yè'sə wèn à tesə vè mvwe' bòop lak pwe', mvwe' ncèep lak zəzok nè ye mvwe' ηgwii bwì pwe'fo' sè'. Wo à sə təəη mantombii kapràk Nwi nè ηga nsùŋgaη nè sè' fo'. Wo à nitse' cèək sè fəfəp, nè kotse' maη ndzə bohòwo lòoη.

<sup>10</sup> Wo à sə fu torə fis mʉtsə duk də,  
<<Nwi àvès nè yi cu mʉnə kapràk ye nè a fa ves lùŋ yi.

Yi fa càsə ves nà' ndzə bohòMo Nsùŋgaη nè.>>

11 Masinjàa Nwì pwe' à təəŋ dzòoŋ gèsə lòkapràk nə, bə yum sè kwè sə wèŋ nə ye bù ŋkwàha bwì sə wèŋ mʉtsətsə'rè. Fana masinjàa sə pwe' bùhʉ sə nze, nə kuksə Nwì.

12 Wo sə duk də,

<<A ye vɛ'nə.

A yi Nwì àvès nə nə yi kəkuk.

A kwasə yi, yi tse' ŋkərə pwe' yi.

A gurə kuksə yi, yi tse' ŋàŋ pwe'.

Liŋ yee yam lo mantombì, gaŋ ye kà lè yuk.

Yà'a ye vɛ'nə.>>

13 Ŋkwà' ŋwè mòk mò'fis à fek mʉ duk də, <<Wù rì nsàp bù nè wo nitse' cèək sè fəfəp yè'e, nə riŋ mʉwe' sè wo vèə à?>>

14 Mù duk fa yi də, <<Pàpa mù ka riŋ, tsok fa mʉ.>> Yi duk mʉ duk də, <<Bùu sè wù sə yə wo yà'a, a wo sè wo à təəŋ, nə ca tesə bə mʉvək ŋgə' nè bʉp nà'a. Wo à cùk fopsə cèək awo yà'a bə ndʉəm Mo Nsùŋgaŋ nə.

15 Nà'a njo nè wo tə mantombìi kapràk Nwì nùm bə ndzəm, nə sə kuksə yi munda'à yi sə. Ŋwè nè yi cu mʉ kapràak nà'a, yi nə ye bə yà'wèŋ nùumbu pwe', yumok kà wo gù.

16 Njè beŋ bə njè ndzəp nə kà wo mok ya yuk fe'lè, nùm kà wo mok sè' to tèn barè yuk.

17 A nə ye vɛ'nə bùusè Mo Nsùŋgaŋ nè yi mʉtsətsə'rə mʉwe' kapràk nà'a, yi nə ye co ganakù' àwo yi. Yi nə gʉmsə lo yà'wèŋ mʉwe' ndzəp nè nà' tse' lùŋ, wo no. Nwì nə yisə fis fa wo ndzəplis awo mʉ lisè wo pwe'>>

## 8

*Mo Nsùṅgaṅ Nə Yep Fis Liṅ Nè Sàmba Nə*

<sup>1</sup> Yà'sə à cà gesə, mù ye ṅga Mo Nsùṅga nə yep fis liṅ nè sàmba nə. Yi à yep nà' fana bum pwe' duk dok. Nwè kà kwis, kwis lok tètè kə dzeṅ mvèk mom səsap ntèṅ.

<sup>2</sup> Fana mù ye ṅga'a masinjàa Nwì sè sàmba sə ṅga wo tə mantombii Nwì. Wo à fa wo pwe'fo' ntàṅ mò'fis, mò'fis.

<sup>3</sup> Masinjà Nwì mòk à vè kè təṅ mvwe' kàm nè wo fagè Nwì satikà' fo'. Yi à kotse' tasà nè wo à gù nà' bə guù ndzə bohòyi. Wo à fa yi làmindà ṅkùṅ də yi tɛṅ torə be'lə yà' bə piriyaà bùu Nwì wèṅ, mvmvwe' kàm nè wo fagè Nwì satikà' mbwa nə. Wo à gù kàm nè nà' tə kə mantombii Nwì nə bə guù.

<sup>4</sup> Ndindi làmindàa sə à lòkok be'lə lòmutsə bohòNwì bə piriyaà bùu sə wèṅ, ndzə bohòmasinjà Nwì nə.

<sup>5</sup> Fana masinjà Nwì nə cup jəṅ mis mvwe' kàm nə. Yi naaṅ mis sə mənə tasà nə, nə mak tsoṅ vesə yà' sə nzeṅgòṅ. Mvè'nè yi à mak tsoṅ yà' ntèṅ mbùṅ ba'a liṅ, nə sa'rə nè bəp fana nzeṅgòṅ nə tsoho.

*Ntāaṅ Sè Kwè Sè Mantombi Sə*

<sup>6</sup> Yà'sə à càa, masinjàa Nwì sè wo sàmba sə wèṅ à fùhu ṅgòfəp ntāaṅ sè wo kotse' sə.

<sup>7</sup> Masinjà nè mantombi à fəp nè nje. Mù ye ṅga ṅwìṅ sè wo tòrə yà' bə mis nə ye nduəm gbù tsoṅ sə nze. Nzeṅgònə sə, co wo à gəpsə-a nà' bòp tɛ', ye də sə fis bòp mò'fis. Tə sè nzeṅgònə

à sə wes sè' co bòp mò'fis sənə bòp tɛ' sè'. Nɔŋa sè sə nzenɔŋ nə pwe' à sə sè' vɛ'nə.

<sup>8</sup> Anə ɔŋ, masinjà nè ba fəɔp ntàŋ nè nje nə sè'. Mù ye yumòk co nda vɛ'ɛ ŋa nà' sə kɛə bə mis. Wo jəŋ nà', nə kə mak gesə sə ndzəpə pwòò.

<sup>9</sup> Mù ye ŋa wo à gəpsə-a ndzəp pwe'fo' bòp tɛ', ye də bòp mò'fis à bùuŋ wes nduəm pwe'. Bum sè yà' tse' yòŋsè sə ndzəpə pwe', bòp mò'fis sənə sè tɛ' à kpɛ wes sè'. Fana bòp ŋgwes tosə ndzəp mò'fis sənə sè tɛ' à bɔp wes sè'.

<sup>10</sup> Masinjà nè tɛ' à fəɔp nè nje. Nkəŋkàŋ mòk nè ɔhaŋ nè nà' à sə kɛə co kək à yəəŋ mɛbu. Nà' à tsə mbwa, nə kə gbɛ mɛ ndzəpə, nə ye mvwe' bwe ndzəp tesəgə sè'. Wo à gəpsə-a ndzəp pwe' bòp tɛ', ye də yì à gbù mənə bòp nè mò'fis.

<sup>11</sup> Liŋ ŋkəŋkàŋ nə à ye də Cɛcɛk. Nà' à gbùu, bòp ndzəp nè mò'fis sənə bòp tɛ' à cɛk bɔp wes pwe'. Bùu sè wo à no ndzəp nə à kpɛ vɛ'ɛ wùriŋ.

<sup>12</sup> Masinjà nè kwè fəɔp ntàŋ nje. Yì à fəɔp, yà' ko tiŋ fis nùm ma bòp mò'fis sənə bòp tɛ', nə ye ŋwə sè' vɛ'nə. Yà' à ko ŋkəŋkàŋ sè' bòp mò'fis sənə bòp tɛ'. A nə ye vɛ'nə fana bòp mareŋ àwo sənə sè tɛ' à liiŋ. Maràŋ bə nè ndzəmè pwe', mareŋ à ka yeŋ mvwe' bòp mò'fis sənə tɛ'.

<sup>13</sup> Mù à kùk fe'lə, mù ye ŋa mpi mòk sə dzòŋ mɛbu səsap. Yì kɛ' dukəsə ŋgùŋ duk də, <<Ghughì', ghughì', ŋgə' èè. A nə ye ŋgə' nèbɔp bohòbùu sè wo cu sə nzenɔŋ, ɔhà nè ŋa wo yuk mvè'nè masinjàa sè wo bwehe cu tɛ' yà'a fəɔp ntàaŋ awo.>>

## 9

*Ntàn Nè Tàn Nè*

<sup>1</sup> Anə geŋ, masinjà nè tàn fəəp ntàn nje. Mù ye ŋga ŋkəŋkəŋ mòk gbù tsoŋ mabu. Wo à fa ki sè ŋgòmùk ncùu wu sè yà'a kà lègè yà'a bohòyi.

<sup>2</sup> Ŋkəŋkəŋ nè à mùk ncùu sə fana ndindi kok ca sik, sik, sik co wo tè kòp nè ghaŋ. Ndindi sə à sə lòmabu, nè kə lok nùm bə ntòbu nè pwe' mpaan. Maràn bueŋ co a ndzəmè.

<sup>3</sup> Ŋgwim à tesə tsoŋ məmɔwə' ndindi sə ve'ε wùriŋ, nè kə lok nzeŋgòŋ pwe'. Wo gəŋ bə nsàp ŋəŋ mòk ve'ε co nsàp ŋgam mòk nè wo togè nà' də səkopiyò'nà'a.

<sup>4</sup> Wo à tipsə ŋgwim sə də, yà'a kà bum sè yà' to tesə kok ma sə nze nè mò'fis zu bupsè lok. Wo də yà'a taksə megu bùu sè yà'wèŋ ka ncòm Nwi mɔ nza sihi wo tse'.

<sup>5</sup> Ka də ŋgwim sə zə bùu yè'sə wèŋ sè' yeŋ. Wo taksə yà'wèŋ, nè fa wo ŋgə' mənə ŋwə tàn. Ŋgə' nè wo yeŋsə fa bùu yè'sə nè, aco sə ta wo səkopiyò'vε. Səkopiyò nè ta-a ŋwè, nà' yaan cep casə mvè'nè nu tagè ŋwè.

<sup>6</sup> Mənə ŋwə sè tàn yà'sə, bwiiŋ nè lap kpɔ bùè. Bwiŋ nè dzəm ve'ε wùriŋ də kpɔ ko gesə lo wo, kpɔ kà wo sè' ko.

<sup>7</sup> Ŋgwim sə à səsə co nàambà'rè sè wo fùhu yà' ŋgòkè màk dze' fo'. Yumok ye mətuhù wo co tàm ŋkum nè wo gù bə guù. Si awo à səsə si ŋwè.

<sup>8</sup> Nùəmtu awo à ye co nùəmtu bəba; nzòŋ awo cəp co nzòŋ gwim.



<sup>9</sup> Wo à tēhə lok ɲgùuɲ awo bə bap yumok co nteɲ, fana mvè'nè wo à sè dzòoɲ, bāap awo sè cwɪɲ co bòp nàambàrè sè sè lòyu nè wo togè nà' də cariyònà'a mvwe' dzè'.

<sup>10</sup> Wo à tse' ntəɲsè səsap co ntəɲsè səkopiyo. Wo à sè ta taksə bwì mənə ɲwə sè tàn sè bə ntəɲsəə yè'sə.

<sup>11</sup> ɲkum awo nè yi tse' wo nə, a masinjà nè yi tse' ɲàɲ bə wu sè yà'a kà lègè sə. Bùu Jus wèeɲ to yi bə ncèep lak awo də Abadòn fana bùu Gris wèɲ to yi yàwo də Apoliyòn. Liɲ ye yè'sə dək də, ɲgà bupsə bum.

<sup>12</sup> Yà'a mvè'nè ɲgə' nè mò'fis lè tə vɛ'nə. Cu mali ɲgə' ba sè yà'a nə və ɲkuɲ.

### *Ntəɲ Nè Ntùɲfu Nə*

<sup>13</sup> Anə geɲ, masinjà Nwì nè ntùɲfu nə fəəp ntəɲ nè ɲje. Yi à fəəp, mù yuk ɲga ɲgì mòk sè tesə vè mvwe' ɲjoɲ gəəp sè kwè, sè kàm nè wo à gù nà' bə guù nə; kàm nə təəɲgè mantombii Nwì.

<sup>14</sup> ɲgì nə dək fa masinjà nè ntùɲfu nè yi tse' ntəɲ ndzə bohòyi nə də, <<Fiɲ mè'rə masinjàa mok sè kwè sè wo à kì nòɲsə wo mvwe' ndzəp Yufèretis yà'a.>>

<sup>15</sup> Wo fiɲ mè'rə wo ya wo lo kə zə wes bòp bwì mò'fis sənə bòp tɛ'. Wo à kì nòɲsə wo ɲgòtək mvək ànə, sənə numbu ànə, bə ɲwə ànə sənə ɲkà'ɲgòn ɲnə.

<sup>16</sup> Bùu mok à ye ɲgàa ko' nàambà'rè sè'. Wo tsok mu də bùu sè wo kok yàwo nàambà'rè pwe' à ye malà' ɲkù ba.

17 Sè' mvèk ànə mù ye mali nàambà'rèə sə bə bũu sè wo a kok yà' sə sè'. Wo à nitse' nteŋ mok mənɣùu wo, yà' sə baŋ co mis, nə sə seŋ co nswɛŋbɛ, nə sə barə co ni' ndu tètàm sè'. Nàambà'rè sə à tse' tu awo co tu gwim. Wo nè cù, mis bə ndindi nə ye zok ŋkàŋ sə rəm duk tesə kwàa nèbɛp.

18 Bum sè te' sè yà' à sə tesə kə cùhu yè'sə, a zeŋ sè yà' à zə wes bòp bə nè mò'fis sənə bòp te' sə.

19 Nàaŋ nàambà'rè sə à ye kè cùhu bə mà ntəŋsəə wo. Ntəŋsəə awo sə à ye co tu no ve'ɛ. Wo à sə təkse bwì bə nsàp ntəŋsə ànə ve'nə.

20 Bũu sè wo à ka yàwo sənə ŋgə' ènə kpɛ, à ka ntəm awo kupsə. Wo à sə kùksə malì yòŋsəə ze' nə ye bum lak co rùm sè'. Wo à jə nteŋ co guù, bə sivà nə ye bron wèŋ, nə gɛ rùm sə fo'. Bũu mok gɛ yàwo bə lis, mok gɛ bə tɛ sè'. Wo à sə kùksə bum sè wà yè'sə ve'nə ŋga kaco yà' ye bum yeŋ, nə kà bum sè' yuk, nə kà sè' gì.

21 Wo à ka də wo kupsə ntəm awo nə kà bwì mok zə sè' duk. Wo à sə tesə malì rùm fo', sə ko sàhà, nə sə yəyè.

## 10

### *Masinjà Nwì Mòk Jə Və*

#### *Mɛŋwàk Mòk*

1 Mù à yə fe'lə ma ŋkùŋkùm masinjà Nwì mòk ŋga yi tsə mɛbu. Cèk nè yi à nitse' mɛ ni'ì yi, à ye mbàk, fana mvəmvòk naaŋ dzooŋ yak mɛ tuhù yi. Si ye sə kɛə co nùm, kùu ye ye co a nteŋ mis nè ghaŋ.

<sup>2</sup> Yi à mùk tse' mɔŋwàk mòk nè jo ve'ε ndzø bohòyi sè'. Yi à təəŋ, yi tes kùu ye sè ma màk mɔ ndzəpè, nè tes sè ma ŋkwip mɔ ŋkà'a.

<sup>3</sup> Yi à to fuŋ bə ŋgì nè ghaŋ co gwim sə cwì yi ve'ε. Mvèk nè yi à to ve'nə, mbùŋ sak kè' sàmba ŋgòdzəm fəsə fa yi.

<sup>4</sup> Ŋgii mbùŋ sè sàmba sə à sa' ve'nə fana mù də mɔ com bum sè wo cèp sə. Ŋgì mòk cèp vesə bohòmù mɔbu də, <<Kà yà' còm, ya ŋwèe kà yà' rì. Yà'a cum swihi ve'nə.>>

<sup>5</sup> Anə geŋ, masinjà nè yi nè tes kù ma mòk sə ndzəpè, nè tes mòk mɔ ŋkà'a nè fis tse' kok bo ye sè ma màk mɔtsə,

<sup>6</sup> nè keŋ bə liŋ Nwì nè yi cu ŋwəm nə. Yi à kèŋ Nwì nè yi à gù ntòbu, gɔ nzeŋgòŋ nè gɔ ndzəp, nè ye bə bum sè yà' cu sənə bum yè'sə pwe'fo'. Yi də, <<Mvèk ka ŋgòcàsə mok yeŋ.

<sup>7</sup> Mvèk nè masinjà nè sàmba nə fəəp ntàŋ nje, fana bum sè Nwì à sə fùhɔ swihi yà'a nè tesə və jəja fana yi gɔ wesə yusə yi à sə dzəm ŋgògùu sə. Yà'a nè ye megu mvè'nə yi tsè' fa ŋgàa tsòhòbum Nwì wèŋ sə.>>

<sup>8</sup> Mù yuk fe'lə ŋga'a ŋga ŋgì nè nà'a nè cèp to mantombi fa' mɔbu cèp bohòmù də, <<Dù, nè kə jəŋ mɔŋwàk nè ndzø bohòməsinjà Nwì, nè yi mùk tse' nà', nè tes kù ma mòk sə ndzəpè ma mok mù ŋkà'a nà'a.>>

<sup>9</sup> Fana mù kə duk fa masinjà nè də yi fa mɔ ŋwàk nə. Yi duk mɔ də, <<Kòzɔ. Nà'a nè ye kə cùhu wù lùlɔm co nu, nè ye sə vəə wù bɔp.>>

<sup>10</sup> Mù à jə ŋwàk nə, nè zɔ nà'. Nà' ye kə cùhu mù anə lùlɔm. Mù à mì gèsə nà' sə vəə, nà' kə

ye ca bup.

<sup>11</sup> Wo à tsè' fa fe'lə mə də, <<Nwii nə gu mali wu ngòrì bum ye mok nga wu tsoho yà'. Bum sə nə ye bə liŋ tò'o lak wùrìŋ, nə ye bə bòop bùu sè wo tse' ncèp zəzok, nə ye ngwii bwii sè' wùrìŋ bə ŋkəŋkum awo sè'.>>

## 11

### *Bwii Ba Sə Tsòho Ncèp Nwi*

<sup>1</sup> Anə geŋ, wo fa mə rərəŋ mòk nè wo fùkgè bum bə zeŋ, nə duk mə də, <<Dù, nə kə fuk ja'a ndap Nwi nè ghaŋ nə bə zeŋ, nə fuk kàm nè wo fagè Nwi satikà' mbwa nà'a sè'.>> Wo à tsè' mə sè' də mə fuk wes, mà taŋ bùu sè wo cu mbwa ngòkùksə Nwi sè' pwe'.

<sup>2</sup> Nə kà mvwe' sè yà'a ma sə mbiŋ yà'a fùk. Wo də mə me'rə yà'sə ve'nə bùusè yà'a mvwe' sè wo à mè'rə fa fo' bohòbà lakmvum. Wo nə gi nəŋ ntum lak nè rərəŋ anə mənə ŋwə hum kwè-ncòp-ba.

<sup>3</sup> <<Mə nə tumsə bùu am bwiŋ ba, wo nə nitse' gaa cəək sè wo wagè kpə bə zeŋ yà'a. Mə nə fa wo ŋəŋ ngòtsòho ncèp Nwi mənə nùumbu ncùhù mò'fis bə ŋkà ba, bə hum ntùŋfu.>>

<sup>4</sup> Bùu sè ba yè'sə, wo yà'sə co nsàp tə nè yi zəmgè ngwii wo sə to nà' də Olip nà'a. Wo ye fe'lə sè' bwe teberəə laàm sè ba sè yà' tə mantombii Tà nè yi tse' nzeŋgòŋ yi nə.

<sup>5</sup> A ye-a nga ŋwə nəmòok duk-a də yi gu wo bup, mis tesə kè cùhu wo, nə teŋ vəpsə bùu sè wo də wo gu bup sə. A nə ye yà'sə mok ve'nə də

ηωè nè yi duk-a dè yi gu wo bup pwe', ηgèηgàn kpu megu kpu.

<sup>6</sup> Mvè'nè wo nè sè tsoho ncèp nè Nwi nè fana, wo nè tse' ηàaη sè aco wo lok ntòbu, mbùη kà li. Wo nè tse' ηàaη sè ηgògù ya ndzèp pwe' bùuη wes nduəm sè'. Wo nè tse' ηàaη sè aco wo to vè nsàp ndònè wo dzəm pwe' sè nzenγònη anè.

<sup>7</sup> Wo tsòho wes ncèp nè fana nàm ηgaη nè bup nè yi cu sənè wu sè yà' kà lègè nè nè tesè vè, bè yà'wèη lu. Nàm ènè nè ghak wo, nè zè wo.

<sup>8</sup> Vèeη ni' awo sè nè nooη sè ntòmandzè lak sè wo tɛ'lè Tà àwo fo' muntèeη sè. Wo a to fa lak yà'sè liη ηgònitsè' mvè'nè yà' cu duk dè lak Sodòm bè lak Ijìp.

<sup>9</sup> Bwìη nè tesè vè mvwe' bòop lak sè sənè nzenγònη nè pwe' nè pwe', lak nè mò'fis nè kà bwehè cu. Wo nè vè, nè kè kuk ja'a vèeη ni' bùu yè'sè mənè nùumbu tɛ' bè bwes, nè kà dzəm dè ηwèe tuuη yà' dzəm.

<sup>10</sup> Bwe nzenγòoη nè kwa kpu bùu sè ba yè'sè vɛ'ɛ wùriη. Wo nè kaη kpu sè, nè sè fa kɛ' bwì bum wà nduk nè nduk. Wo nè sè kwa vɛ'nè dè bùusè yà' à sè tsòho ncèp Nwi, ncèp nè sè jè vè fa wo ηgə' wùriη.

<sup>11</sup> Nùumbu sè tɛ' bè bwes sè à càa, Nwi yoηsè gesè fa wo yòηsè, wo yəeη fəsè səmok. Mvè'nè wo à lòkok, wuə ko bùu sè wo à yə wo sè vɛ'ɛ nèbup.

<sup>12</sup> Anè geη, bùu sè ba yè'sè yuk ηga ηgì ηwè mòk sè to vèsè wo mabu bə ηàη duk dè, <<Wèeη kok vè mbwinè.>> Bùu sè ba sè wèη à lòkok lòmabu ndzənè mbàk ηga bùu sè wo sè bèη yà'

sə wèŋ sə yə bə lis.

<sup>13</sup> Mvèk ànə à ye ntèn fana nzenḡòn tsoho bə ñàŋ wùriŋ. Lak sè wo à ye fo' sə, bòp nè mò'fis sənə bòp hum à kəəŋ gbù bup wes pwe'. Nà'a kəəŋ ve'nə, nə zə bwì ncùhù sàmba. Bwees bùu mok sè wo à bwehe cu sə à wəp ve'ε wùriŋ fana wo kuksə nə yamsə liŋ Nwi nè mabu nə.

<sup>14</sup> Yà'a mvè'nə ñḡə' nè ba nə lè tə ve'nə. Nḡə' nè te' nə və mali mvèk ḡàr.

### *Ntàn Nè Sàmba Nə*

<sup>15</sup> Masinjà nè sàmba à fəəp ntàn nè nje nə fana mà yuk ŋga ŋgii bwì sə cèp vèsə mabu. Nḡii sə sə cep bə ñàŋ duk də,

<<Mvèk kè dzèŋ laŋ nè Tà Nwi àvès bə Krest nè yi ànə tumsə lo nà' sə nzenḡòn nə kok ḡaŋ nzenḡòn nə laŋ.

Wo nə cum maligeŋ ŋkum mok wo mvèsè nè mvèsè.>>

<sup>16</sup> Anə ye ve'nə fana, bù ŋkwàha bùu sè hum ba-ncòp-kwè, sè wo cu munə kapràk sə wèŋ gbù sə nze mantombii Nwi, nə kuksə yi.

<sup>17</sup> Wo duk də,

<<Wùu Nwi Tà, nè wù tse' ñàŋ pwe',

Wù à ye to mantombi wù, cu mali ŋga'a sè' wù. Vès kwasə wùriŋ mvè'nə wù a jə ñàaŋ yo sè yà' yam ve'ε sə, nə kotse'e nə nzenḡòn nə bə zeŋ.

<sup>18</sup> Bwe nzenḡòn a sə jòk bohòwù,

Fana mvèk ñjòŋgòjòok kùrəə nə sè' nè wu nə sak bù kpukpu.

A sè' mvèk nè wu nə lak ḡgàa fàha yo sè wo à sə tsòho ncèp yònə.

Wu nə lak bɛ̀u yo pwe'fo', ɲkwàha bwì nə ye  
bweŋke' sè'.

Nè'e sè' mvək nè wu nə bɛ̀psə bɛ̀u sè wo à sə  
bɛ̀psə nzeŋgòŋ nə.>>

<sup>19</sup> Wo à cɛ̀p wes ve'nə fana ndap Nwì muhu noon  
mɛ̀ ntòbu to. Mù ye casə gèsə lo ɲkùp nè nà' tɛ̀  
mənə tu rùk nè Nwì à zɛ̀ bə bɛ̀u ye nə mbwa.  
Fana mbùŋ sə ba'a, nə sə cwìŋ. Nzeŋgòŋ à tsòho,  
ɲgwìŋ sə gbɛ̀ ye' tsooŋ sè' nèbɛ̀p.

## 12

### *Jon Yə Ƴwà Nəmòk Nə Ye Bə Ƴòroŋ*

<sup>1</sup> Anə geŋ nsàp yumòk yəəŋ mɛ̀bu nè nà' ghak  
mɛ̀ mətuhù. Ƴwà nəmòk, ɲga yi nitse' nùm mɛ̀  
ni'ì yi, nə nəŋ tes kùu ye mɛ̀ nə ɲwɛ̀. Yi ta tse'  
tàm ɲkum bə ɲkèŋkàŋ mbwa hum-ncòp-ba.

<sup>2</sup> Mvək à kùrə yi də yi dzə mwe, fana yi sə wan  
torə fis ɲga mo nə sə lum yi.

<sup>3</sup> Yumòk nè nà' à ghak mɛ̀ à yəəŋ fe'lə mɛ̀bu  
anə sèmok. Mù à yə ma ɲkùŋkùm ɲòroŋ mòk nè  
bèbaŋ ɲga yi tse' tu sàmba bə ndoŋ hum. Yi à  
ta tse' tàm ɲkum bə tu ye sə mò'fis, mò'fis lòoŋ  
fo'.

<sup>4</sup> Yi à lèp kùrə màk tsoŋ ɲkèŋkàŋ sə nze, bòp  
mò'fis sənə bòp tɛ' bə ntəŋsə ye. Yi à təəŋ kè  
mantombi ɲwà nè yi sə ghà mwe nə də ya yi ko  
zɛ̀ mo nə ghà nè wo dzə nà'.

<sup>5</sup> A ka sap, ɲwà nə dzə mombam. Yi nə ye  
ɲkum bohòlak sè sə nze pwe', nə sə sak bə ntò'  
ntəŋ ndzə bohòyi. Wo à dzə fis mo nə ntəŋ, wo  
le' jəŋ yi, nə caŋsə gesə lo yi mvwe' kapràk Nwì  
nə.

<sup>6</sup> Nwà nè yi à dzə mo nə à ca lòye ɲgəà mvwe' sè Nwi à fàhɛ nònɣə fa yi. Wo nə sə jəŋ ɲkərè bohòyi fo' mənə nùumbu ncùhù mò'fis bə ɲkù ba bə nùumbu hum ntùŋfu.

<sup>7</sup> A nə gèŋ, dzè' tesə mɛbu. Masinjà Nwi mòk nè ghaŋ nè liŋ yee Makè nà'a bə masinjàa ye wèŋ à təəŋ ɲgòlù ɲòron ɲə bə masinjàa ye sè'.

<sup>8</sup> Makè wèŋ à ghak wo fana wo kà mok dzəm də yà'a cum fe'lə mɛbu mok dzəm.

<sup>9</sup> Fana wo à jə ɲòron ɲə, nə mak tsoŋ vesə yi sə nze bə masinjàa ye sə wèŋ pwe'. Nkùŋkùm ɲòron ànə, a rərəŋ no nè liŋ yee Satà, ɲkum ze' sè bɛp wèŋ. Yi à sə bərə bwì sə nzenɣòn pwe' sè' yi.

<sup>10</sup> Fana mù yuk ɲì mòk nè ghaŋ ɲga nà' sə cèp vèsə mɛbu duk də, <<Lùŋ nè nà' tesə vè bohòNwi àvès kè tsèŋ ves laŋ. Nàaŋ ye bə gaŋ ɲkum ye nə ye ɲàaŋ sè Krest nè yi à tum nə wèŋ pwe' yè' mok mvwe' jəja kwarəŋgaŋ. A ve'nə bùusè ɲwè nè yi à sə təəŋgè mətuhù bwema avès, nə sə lap wo nzak nùm bə ndzəm nà'a, wo a fis màk gəsə yi mɛbu laŋ.

<sup>11</sup> Bwema avès sə wèŋ à ghak yi bə ɲàaŋ nduəm Mo Nsùŋgaŋ, nə ye bùusè wo à sə tsòho də ncèp ye nə zìnə sè'. Wo à gù ntuum awo sè' də a ye-a sè' də wo kpɛ kpɛ, nzak kà fo' ye.

<sup>12</sup> Ye də kwəkwa ye mɛbu. Bùu sè mɛbu pwe' wèŋ ɲak yàwèŋ sè'. A bɛp bohònzenɣòn, nə ye bə ndzəp sè', bùusè Satà tsoŋ lòca. Yi sə jòk ve'ɛ bùusè yi rì də mvək ye nə, nà'a lèm.>>

<sup>13</sup> ɲòron ɲə à rì də wo be' màk tsoŋ yi sə nze laŋ fana yi ye ɲgòjùm ɲwà nè nà' dzə mombam



nə də yi be' ko nà'.

<sup>14</sup> A ye ve'nə fana wo fa ηwà nə bàp co bàap mpì nə ghan, də ya yi dzooη caη lo gesə mvwe' no nə bə zeη. Yi nə dzooη lo ηgəà mvwe' sè wo fùhu nònse fa yi fo' fùhu. Wo nə sə jəη ηkərə bohòyi fo' mənə luumηgòη te' bə bwes.

<sup>15</sup> Anə geη, no nə lu fis ndzəp kè cùhu yi co ndzəp nə ghan, də ya ndzəp nə bək kurə lo ηwà nə.

<sup>16</sup> Ncàk à tesə ηwà nə wùriη. Ncàk à nè cùu ye, nə no wes ndzəp sè ηòroη nə lu fis sə.

<sup>17</sup> A ye ve'nə fana ηòroη nə jok bohòηwà nə ve'ε nsàp nə bup. Yi lokok lo də yi lo kə mak dzè' bə bwe ηwà ènə mok wèη. Bwe ηwà ènə mok sə, a bùu sè wo yukgè duk Nwi, nə dzəm ncèp Jisòs.

<sup>18</sup> Nòroη nə à kè tesə təəη ndzə ηgu ndzəp mòk nə ghan.

## 13

### *Nàam Sè Bup Ba*

<sup>1</sup> Nòroη nə anə təəη ve'nə fana, mù ye nàmηgòmòk nə bup nga yi sə tesə kok sə ndzəpè anə. Nàmηgònə à tse' tu sàmba, nə tse' ndoη hum. Yi à ta tse' tàam ηkum mənə ndoη sə mò'fis mò'fis lònη. Wo à còm naaη fa yi nsàap liη sè bup zəzok mənə tu ye sə sè' lònη. Liη nè fòpwe' à sə yàk Nwi yàak.

<sup>2</sup> Nàm nè mù à yə nə, yi à ye co mba, nə tse' bo wəwəη bə ηkurə səsap co bo nsàp nàm mòk nè wo togè nà' də beè, nə ye bə cùu ye co gwim. Nòroη nə à jə nsàp ηàη ye bə ηàaη ηkum ye

pwe'fo', nə fa nàm nè bəp ènə. <sup>3</sup> Tu nàm ànə mòk à tse' bap mvwe' nəmòk mbwa nè co nà' zə yi, megu də mvwe' nə à mè laŋ. Nàm ènə à gù nzenɡòn pwe' mərə yi bùè fana bwì pwe' be' lo mok mandzè ye.

<sup>4</sup> Bwì pwe' à sə kùksə ñòron nə də bùusè nà' fa ñaaŋ nà' bohònàm nə. Wo à sə kùksə nàm nə sè', nə sə duk də, <<Ñwè nəmòk kaco nàm nè'e dzeŋ, kaco ñwè nəmòk lə to bə nàm ènə sè' yeŋ.>>

<sup>5</sup> Ñòron nə à fa nàm ènə ñaaŋ sè ñɡònɛŋni' nə sə ci' mvwès bə liŋ Nwi. Wo à fa yi ñaŋ ñɡògù yusè yi dzəm pwe'fo' mənə ñwə hum kwè-ncòp-ba.

<sup>6</sup> Anə geŋ, yi yeto ñɡòci' fa Nwi mvwès, nə sə gu bəpsə liŋ Nwi sə bə mvwe' ncum Nwi sə wèŋ pwe'. Yi à gù ve'nə bohòbùu sè wo cu mabu pwe' sè'.

<sup>7</sup> Wo à mè'rə yi sè' də yi lə bə bùu Nwi wèŋ, nə ghak yà'wèŋ. Wo à fa ñaŋ sè' də yi ye co ñkum bohòbùu sè sənə nzenɡòn nə pwe' nè pwe', nè mò'fis kà bwehè cu fù'.

<sup>8</sup> Bùu sè sə nzenɡòn pwe' nə kùksə yi. Bùu sè wo vè mvwe' bòop lak pwe', mvwe' ncèep lak pwe', nə ye mvwe' ñgwì bwì pwe'fo' sè'. Bùu sè wo nə kà yi kùksə, megu bùu sè wo à còm nònɟsə liŋ awo ndzənə ñwàk lùŋ nè Mo Nsùŋgaŋ nè wo à zə yi tse' nə. Liŋ yè'sə, wo à còm nònɟsə yà' ñga nzenɡòn nə ka ntòyeto.

<sup>9</sup> Ñwè nè yi tse'-a ntu' ñɡòyuk bum fo' ye də yi yu'rə na.

<sup>10</sup> Ñwè nè wo à duk də wo nè ko lok yi

ntsə'mòk fana ncəəp bùè, wo nè ko lì yi korə. Njwè nè wo à gù yi də wo nè zə yi bə fèk fana wo nè zə lì yi bə fèk anə. Nə yeè nə ve'nə fana a bəboŋ də bùu Nwì wèeŋ təeŋ gɔgɔŋ, nə sə fa ntuum awo bohòTà.

<sup>11</sup> Anə geŋ, mù ye fe'lə nàm ηgòŋ mòk nè bap sèmok ŋga yi tesə vè ma mɔ ŋkà'a. Yi à tse' ndoŋ ba co mɔfwè' nsùŋgaŋ, nə sə cep bə ŋgì co ηòroŋ.

<sup>12</sup> Yi à sə gù bum wùriŋ mɔnə tu nàm mòk nè mantombì nə. Yi à gù bùu sè sənə nzeŋgòŋ nə pwe' ηgòkùksə liŋ nàm mòk nè mantombì nə. Nàm nè mantombì nə a yi nè yi tse' bap mvwe' mòk mɔnə tu ye mòk co nà' zə yi nə.

<sup>13</sup> Nàm nè maŋkwèŋ ènə à gù bum maŋgəŋgèŋ ve'ε wùriŋ. Yi à gù mis tsoŋ mɔbu, nə və sə nze mɔ lisè bwì jəja kwarəŋgaŋ.

<sup>14</sup> Yi à gù maŋgəŋgèŋ wùriŋ mɔnə tu nàm mòk nè mantombì nə fana yi borə wes bwì sənə nzeŋgòŋ nə pwe'fo' bə zeŋ sè'. Nàm ènə à tsè' fa bwì dɔk də, yà'wèeŋ ci tes yumok nè nà'a nə təeŋ mɔnə tu nàm nè mantombì nə ηgògù də ya liŋ nàm ànə yam lo mantombì. Nàm nè yi à də wo kùksə liŋ ye nə, a nè yi à tse' mvwe' fèk mɔ tuhù co nà' zə yi fana yi kà kpɔ nə.

<sup>15</sup> Wo à dzəm də nàm nè maŋkwèŋ nə yoŋsə gesə fa yu nè wo ci nə yòŋsè, ya nà'a tse' ŋàaŋ sè ηgòcèp cù, nə tse' ŋàaŋ sè ηgòzə ndàaŋwè pwe' nè nà' sə kà yi kùksè.

<sup>16</sup> Nàm nè ba ènə à gù sè' də wo naaŋ fa ndàaŋwè pwe'fo' ncòm mɔ nzà sihì kè ndzənə bo ma màk àlɛ. Nkwà'ŋwè bə mweŋke' nə ye

ɲwèmbam bə ɲwàŋwè pwe' à tse' tsoŋ ncòm ènə, ɲwè nè mò'fis nè kà bwehè cu.

<sup>17</sup> ɲwè nè yi kà-a ncòm ànə tse', kaco yi ywiŋ yumok yeŋ, nè kà yumok sè' sèŋ. Ncòm ènə à ye liŋ nàm ɲgòŋ nè, nè ye sè' nombà nè nà' təəŋgè mənə liŋ ye sə.

<sup>18</sup> Bwiŋ tse' ɲkərè, nè riŋ nombà ènə. ɲwè nè yi tse'-a ɲkərè fana yi nè riŋ li yusè nombà ènə tə fo' sə. Nà'a nombà ɲwè, nà'a ɲkù ntùŋfu bə hum ntùŋfu-ncòp-ntùŋfu.

## 14

### *Bùu Mo Nsùŋgaŋ Nə Wèŋ Sə Yəm ɲkì*

<sup>1</sup> Mù à yə Mo Nsùŋgaŋ nè ɲga yi tə məmvwè' nda mòk nè wo to nà' də Zayòŋ. Yi à təəŋ fo' bə bwì ncùhù ɲkù mò'fis bə ncùhù hum kwè-ncòp-kwè. Wo à còm naaŋ liŋ ye bə liŋ tè' ye mɔ nza sihi bùu yè'sə pwe'fo'.

<sup>2</sup> Mù yuk ɲgì mòk ɲga nà' sə cèp vèsə mɔbu co sə gbɔ cəcwà ndzəp. ɲgì nè sə cwiŋ sè' co mbùŋ sə kùm yi, nè sə boŋ lo co wo sə buk luŋ vɛ'ɛ.

<sup>3</sup> Bùu yà'sə pwe', a təəŋ kə mantombii kapràk nè, bə mantombii yum sè kwè sè wo cu ɲwəm sə, nè ye kə mantombii bù ɲkwàha bwì sè hum ba-ncòp-kwè sə wèŋ. Wo à təəŋ vɛ'nə, nè sə yəm ɲkì nè fi. ɲkì ènə kaco ɲwè nəmòk yə'rə riŋ to nà' yeŋ. A rì mègù nà' bùu sè ncùhù ɲkù mò'fis bə ɲkù hum kwè-ncòp-kwè sə, sè Jisòs à làk tiŋ fis wo mɔŋgorè bùu sè sə nzeŋgòŋ sə.

<sup>4</sup> Yà'a wo sè wo à ka ni' awo bə bèba gù bɔpsə yuk, wo cu mvè'nè wo à dzə wo. Wo sə yuŋ bɛ'

ke' lo Mo Nsùngan nə mvwe' sè yi sə lòpwe'. Yi a ywiŋ fis wo mɔŋgorè bwì, nə nonʒsə wo zok ŋòye bùu Nwì nə ye sè ye sè'.

<sup>5</sup> Wo ka mvwès ci' yu' nə kà mɔ zèp jòn sè' tse' yuk.

### *Masinjà Nwì Sè Tɛ'*

<sup>6</sup> Mù à yə fe'lə masinjà Nwì mòk sèmok ŋga yi sə dzòon mabu səsap ntèn. Yi à sə jə vè Ntirè nè Bèboŋ nè nà'a nè kà mè yuk ŋgòtsè' fa nzenɡòn nə lòon. Yi nə tsok fa bohòbuhu lak pwe' nə ye bə sè wo tse' ncèep lak zəzok pwe'fo', nè mò'fis nə kà bwehè cu.

<sup>7</sup> Yi cep fis bə ŋəŋ də, <<Wèen wəp Nwì, nə kùksə yi, bùusè mvək kùrə laŋ nè yi nə sak nzak ndaaŋwè pwe'. Ye də wèen kùksə yi. Yi nè yi a gù ntòbu bə nzenɡòn, nə gɔ ndzəp sè ghaŋ bə sè jo wèn pwe'.>>

<sup>8</sup> Masinjà Nwì mòk à be'ɛ nè mantombi nə, nə sə cep də, <<Yi gbù laŋ. Lak sè ghaŋ sè wo to yà' də Babilòn sə gbù laŋ. Lak sè yi à sə gù bwì sənə nzenɡòn nə lòon ŋgòno rùk ye, rùuk sə gɔ wo, wo sə yuŋ lo ko sàhà sè'.>>

<sup>9</sup> Masinjà nè tɛ' à vèə, nə sə cep fis bə ŋəŋ dək də, <<Ndaaŋwè pwe' nè yi sə kùksə nàm nə, nə sə kùksə yu nè wo à ci nà' bùu liŋ nàm nə, nə dzəm sè' də wo naaŋ fa yi ncòm nàm nə mɔ nzà sihi yi kè ndzə bohòàɛ pwe',

<sup>10</sup> wo nè yə mvè'nè Nwì jòkgèə. Nwì nə jok bohòyi, yà' ye co a rùuk sè yà' cəp gɔ bəp ve'ɛ wùriŋ. Ŋgəŋgaaŋ nə no wes yà' pwe' ŋga yi ka kù cok. Yi nə ye ŋgə' nè co wù kà fùk sə misè.

Mis sè nè sè kɔə co wo gèsə ca ŋkàŋ, fana yi sè ye ŋgə' ca ŋga masinjàa Nwì sè rərəŋ bə Mo Nsɔŋgaŋ nè wèŋ sè yə.

<sup>11</sup> Ndindi mis sè wo nè sè ye ŋgə' ca sè nè sè kok, nè kà tiŋ yuk. Bùu sè wo à sè kùksə nàm bə yu nè wo ci tes nà' ŋgòyamsə liŋ ye, nè ye bə bùu sè wo à naaŋ nɔòm liŋ ye wèŋ pwe'fo' nè kà lo mɔ lisè gèsə yuk nè mvèsè, maraŋ bə ndzəmè pwe'.>>

<sup>12</sup> Ye də bùu Nwì sè wo sè bɛ' yusè Nwì sè duk, nè sè dzəmtse' mali Jisòs sè' wèŋ nəŋ tes-a kù gɔgɔŋ.

<sup>13</sup> Fana mù yuk fe'lə ŋgì mòk ŋga nà' sè cèp tsə vè mɔbu anə sè' də, <<Còm bum yè'e còmə; rɛŋsi bohòbùu sè wo a kɔə ŋga wo a dzəm bohòTà laŋ.>> Yòŋsè Nwì nè sè dzəm də, <<A vɛ'nə. Ye jəŋ ŋga'a lo mantombì, fàha sè wo à sè gùu mè laŋ. Wo nè cum yonəsə, nè sè kwa, bùusè wo yə lèlà' àwo nè wo tse' bə fàha sè wo à gùu sə.>>

### *Mvək Nè NgòKɔp Kùrə*

<sup>14</sup> Mù kɔk fe'lə sèmok, mù ye mbàk nè fəfop. Njwè nè yi à cu mənə mbàk anə à səsə co Mo Njwè. Yi ta tse' tàm ŋkum nè wo à gù nà' bə guù, nè kotse' fècès nè cəcəp ndzə bohòyi.

<sup>15</sup> Fana masinjà Nwì mòk tesə tsoŋ mɔ ndap Nwì nè ghaŋ nè. Yi fuŋ gesə fa lo njwè nè yi cu mənə mbàk nè də, <<Mvək kùrə ŋgòkə kɔp bum sè mɔ nzuù sə laŋ. Bum sè wo à bì yà' sənə nzeŋgòn nè a gɔ laŋ. Jə fècès yònə, nè ye ŋgòkə kɔp yà'.>>

16 Yì à dük ve'nə fana, ηwè nè yi à cu mənə mbàk nə wəŋsə yak fècès ye nə ve'ε, nə kəp wes bum sè sə nzeŋgòanə pwe'.

17 Mù ye fe'lə masinjà Nwì mòk sèmok ηga yi tesə tsə vè mɔ ndap Nwì nè mɔbu nə. Yì à tse' fècès nè cəcəp ndzə bohòyi sè'.

18 Fana mù ye fe'lə masinjà mòk sèmok. A ye yi nè yi kumsəgè mis sè mvwe' kàm nè wo fagè Nwì satikà' fo'. Yì à tesə vè fo', nə sə cep fuŋ fa masinjà mòk nè yi anə tse' fècès nè cəcəp nə də, <<Yeè, nto'o ndik tɔ nè wo togè nà' də grep nà'a bà laŋ. Jəŋ fècès yò, nə ci' yà' fo'.>>

19 Yì à dük ve'nə, masinjà nə wəŋsə yak fècès nə, nə ci' mak gesə lo yà' mvwe' sè wo kə ηamgè yà' fo' sə. Wo ηam yà' ve'nə, yà' ye yà'a gbù' nè nà' təə mənə tu yusè Nwì nè gɔ bɔusè yi jòk bə bwìŋ ηkùuŋ.

20 Mvwe' sè wo ηamgè yà' fo' sə ka ma mɔ ntòlak yeŋ. Wo à ηam ηgwìi grep sə də ya ndzəp sə tesə. Nduəm tesə nja co ndzəp. Nduəm sə caŋ ve'ε tètè lo kilometà ηkù tɛ', nə ye bə cəco sə kəp lo kwìŋ mò'fis.

## 15

### *Masinjàa Nwì Samba Sè Wo Jə Vè Ngə' Samba*

<sup>1</sup> Yà'sə à mée, mù ye fe'lə yu maŋgəŋgèŋ mòk mɔbu sèmok nè ηkərə bisə mɔ bɔu zeŋ pwe'. Mù à yə masinjàa Nwì samba ηga wo kotse' nsàap ηgə' zəzok sè' samba. Yè'sə ànə ye mok lèsè mbwè ηgə', sè Nwìi nə jəŋ və yà' ηgònìtsè' wes jəjòk ye.

<sup>2</sup> Mù à yə yumok sè' nè nà' à ye co ndzəp nè ghaŋ. Ndzəp nə gū co wo tòrə be'lə mis bə gèlas. Mù à yə bùu sè wo à ghak nàm nè, nè ye bə yu nè wo à ci fa yi, nè beŋ nombà liŋ ye sə wèŋ nga wo tə ŋgə ndzəp anə. Wo pwe' à kotse' luŋ sè Nwì a fa wo.

<sup>3</sup> Wo à sə yəm ŋkì Musì nè yi à ye ŋgà fàk Nwì, nè ye bə ŋkì Mo Nsùŋgaŋ nè wèŋ. Wo à sə yəm duk də,

<<Nwì àvès Tà, wù tse' ŋàŋ pwe' wù.

Bo fàha yo yam càsə cù, bwì pwe' mərə yà'.

Tse' lak sè sə nzeŋgòŋ pwe' wù.

Yusè wu gù pwe'fo' rərəŋ nè ye zìnə.

<sup>4</sup> Wùu Tà, ŋwè nè mò'fis nè co yi kà wu wəp ka yeŋ.

Bwì pwe' nè kuksə megu liŋ yo.

Ŋwè nè Rərəŋ mègù wù.

Buhu lak sè sənə nzeŋgòŋ nè pwe'fo' nè kuksə megu wu,

Busè wo yə də bum yo pwe' rərəŋ.>>

<sup>5</sup> Mù à kùk fəsə sèmok fana mù ye nga ndap Nwì mubu nòto. A yè'sə tàap cèk nè nà' sə nì tsè' də Nwì fo'.

<sup>6</sup> Fana masinjàa Nwì sè sàmba sè wo à jə vè ŋgə' sè' sàmba sə tesə mbwa. Wo à nitse' cèək sè fəfop pup, pup. Wo swi' ci' yak yà' mɛ ŋgùu bə korə guù.

<sup>7</sup> Fana yum sè kwè sè wo cu ŋwəm sə, mòk à lòkok, nè fa yak masinjàa sə wèŋ ŋgàp mò'fis, mò'fis bə tu awo lòoŋ fo'. Wo à gù ŋgàap sə bə guù fana nga cu ca jòho ntəm Nwì nè yi cu ŋwəm mvèsə nè mvèsə nè.



<sup>8</sup> Ndindi à tesè vè mvwe' yòon Nwi bə ɲàan ye, nə kə loho mʉmvwe' ndap nə ve'ɛ mpaan. ɲwè nè co yi ni mʉmvwe' ndap nə à ka yeŋ lok tètè ɲgə'ə sè masinjà sàmba a jə vè sə à mè wes ɲkuŋ.

## 16

### *Masinjàa Sə Jə Və ɲgə' Sè Sàmba Sə*

<sup>1</sup> Mù yuk sè' ɲga ɲgi mòk sə cèp vèsə sè' mvwe' yà'sə. ɲgi nə à sə cèp fuŋ fa masinjàa Nwi sè sàmba sə wèŋ də, <<Wèen jə ɲgàap jòho ntum Nwi sè sàmba sə, nə kə ke' mak gesə lo sə nzeŋgòn.>>

<sup>2</sup> Fana masinjà mòk lokok to, nə kə ke' mak gesə tsoŋ lo yusè sənə ɲgàp nje nə sə nzehè. Yi à kè' màk ntèŋ, ywè' to bwìŋ ni' pwe', nə sə yaan wo ve'ɛ. Bùu sè ywè' à to wo yè'sə à ye bùu sè wo à tse' ncòm nàm nə, nə sə kukesə yu nè wo à ci nà' mənə liŋ ye nə.

<sup>3</sup> Masinjà nè ba à kə kè' gèsə ye sə mvwe' ndzəp nè ghaŋ nə. Ndzəp pwe' gweŋ bʉuŋ co ndʉəm ɲwè nè kpukpʉ. Bum sè yà'a cugè sə ndzəpè anə pwe' à kpʉ wes pwe' nè pwe'.

<sup>4</sup> Anə geŋ masinjà nè tɛ' à kə kè' màk gèsə ɲgàp nè nje sə mvwe' mantùŋ bə bwe ntak ndzəp wèŋ. Ndzəp sə bʉuŋ lo sè' co ndʉəm.

<sup>5</sup> Mù yuk ɲga masinjà nè yi kùkgè ndzəp, yi sə cèp də, <<Wù Nwi àvès nè wù cu, ɲga wù à ye to mantombi sè', wu rərəŋ. Bum sè wu sakgè pwe', yà'a rərəŋ mvè'nə.

6 Bùu sè wo à zè bùu Nwì nè ye bə ɲgàa tsòhòbum Nwì wèŋ, wù fa wo nduəm də wo no. A ve'nə kəkùrə, yà' kùrə bə fàha awo sə bòn.>>

7 Fana mù yuk fe'lə ɲga ɲgì mòk sə cèp vèsə mvwe' kàm nè wo fagè Nwì satikà' mbwa nè sè'. ɲgì nè sə cep də, <<Nwì, Tà nè ghaŋ nè. Yusè wu sakgè pwe', yà'a rərəŋ nè ye zìnə.>>

8 Masinjà nè kwè à jə ɲgàp nje, nè kə fe' mak gesə mənə nùm. Nùm tse' bwi ɲàŋ ɲgòtè bwi co mis.

9 Nùm nè à tè bwi ve'ε wùriŋ. Bohòwo ɲgòkupsə ntəm awo, nè kuksə Nwì nè yi tse' ɲàŋ bə bum yè'sə fana wo kà dzəm. Wo à bùuŋ yàk Nwì ve'ε bèboŋ.

10 Masinjà nè tàŋ à kə fè' màk gèsə ɲgàp nè nje məmve' kapràk nàm nè yi à tesə kok sə ndzəpè nè. Ndzəm duk mvwe' lak sè nàm nè cu ɲkum fo' sə pwe' jik. Bwi sə lum lum awo mvè'nè sə yaan wo ve'ε kpə bwi.

11 Wo yak Nwì nè mubu bùu ɲgə' nè wo sə yə nè ye sè' bùu ywè'ε sè yà'a sə yaan wo sə. Wo kà dzəm ɲgòmè'rə bup awo sè wo sə gù sə dzəm lok.

12 Masinjà nè ntùŋfu à kə fè' gèsə ɲgàp nje sənə ndzəp nè ghaŋ nè wo togè nà' də Yufèretis nà'a. Ndzəp nè zərə wes pwe', də ya ɲkəŋkum sè wo vè ma nùm wèeŋ tse' mandzè ɲgòto càa.

13 Fana mù ye yòŋsə sè bup tɛ', ɲga wo səsə co mbòtòk ve'ε. Wo à tesə tsoŋ kə cùhu ɲòron nè bə kə cùhu nàm ɲgòn nè ye kə cùhu ɲwè nè ɲgà bòrè bwi də yi ɲgà tsòhòbum Nwì.

14 Yòñsèə yè'sə a yòñsèə ze'. Wo tse' nàŋ ngògù bum mok vɛ'ɛ sè co wù kək tètè nə sɛɛŋ mam. Wo lo, nə sə to benə ɲkəŋkum sè sənə nzeŋgòn nə pwe' də yà'wèɛŋ fɛhɛ ngòmàk dzè' nùmbu ànə, nè Nwii nè nitsè' fa bwì nàaŋ ye də yi jòk ntinə nə.

15 (Yèè, wèɛŋ kà swì də, <<Mɛ nə və ɲga wèŋ ka riŋ, co ɲgà yè vè yi. Anə ye bəboŋ bohòŋwè nè wo nə tseŋ yi ɲga yi cu nca. Ya kà də wo jəŋ lo gesə cək ye, yi gi mvwe' bwì nswè'mbwè marè'tu ko yi duk.>>)

16 Fana yòñsèə ze' sə wèŋ à gù ɲkəŋkum sè sə nzeŋgòn sə ngòkè testu mvwe' sè wo togè fo' bə ncèep Hibrù wèŋ də Amajidòn yà'a.

17 Anə geŋ, masinjà nè sàmba nə fe' mak gesə lo ɲgàp nje nə mɛtsè. Fana ɲgì mòk cep vesə munda'à Nwì mvwe' kapràk ye nə. Nà' cep fis bə nàŋ də, <<Yà' mè wes mok laŋ.>>

18 ɲgì ànə à cèp wes vɛ'nə fana mbùŋ ba'a, nə sə cwìŋ, nzeŋgòn nə tsoho sè' pwe'fo'. Nà' à tsòho nsàp nè nzeŋgòn nə à yè yèè, nà' à ka ntsə'mòk vɛ'nə tsoho yuk.

19 Ntùm lak nè ghaŋ nə à saha gà'a bòp tɛ'. Bwe bòop lak sè sə nzeŋgòn pwe', à kèəŋ gbù wes pwe'. Yà'a mvè'nè Nwì à tsərə tse' lak sè ghaŋ sè wo to yà' də Babilòn yà'a, nə gɛ də wo ye ɲgə' bùusè yi jòk bohòyà'wèŋ. Yi à gù yà' wo ye ɲgə' bəboŋni co ɲgàp rùk nè cəcəp nè wo kotse' wu də wu nə no wes tsoŋ nà' bə nàŋ.

20 Lak sè yà' à ye mɛtsətsə'rəə ndzəp pwe' à kèəŋ gbù nə cəəŋ bisə lòsə ndzəpə anə. Nda à kèəŋ gbù wes sè' pwe'fo'.

21 Ngwìiṅ sè ghaṅ à sè gbùhù tsə mǔbu, nè sè gbù bwìṅ mǔni'ì. Ngwìṅ nè mò'fis à sè rwì' co bàṁ rɛ̀ɛs bə tu. Ngə' ànə à bɔp vɛ'ɛ kpɔ bwì. Bwì yak Nwì bùù ṅgə' nè bɔp nè wo yə nè.

## 17

### *Nwà Sàhà Nè Nje Cà Cù*

1 Yà'sə à mè wes fana masinjà mòk mǔtsətsə'rəə sè sǎmba sè wo anə tse' ṅgàp sè à vè, nè kə duk mɔ duk də, <<Vèə, ya mɔ niṅ tsok fa wu mvè'nè ṅwà sàhà nè sàha ye ghak ṅàṅ nà'a nè ye ṅgə'. Nwà sàhà nè wù yə ànə, yi tə yà'sə co bə tu lak mok sè wo ci yà' mvwe' ndzəp fo' wùriṅ.

2 Nkəṅkum sè sè nzeṅgòn a ko wes sàhà bə ṅwà sàhà ènə pwe'fo'. Bùù sè sənə nzeṅgòn nè pwe' a no rùuk sàha ṅwà ènə sè yi sə fa wo sè tətè nè gbù mbum, nè sè yuṅ megu nsàp nè nje nè.>>

3 Mù à ye ndzə bohòyòṅsè Nwì fana masinjà Nwì jəṅ lo mɔ ṅgəà. A kè dzèṅ fo', mù ye ṅwà nəmòk ṅga yi kòk cu mǔnə nǎm ṅgòn mòk nè bəbaṅ. Wo à jə liṅ sè ànə ye co tse' megu yà' Nwì, nè com ramsə naaṅ fa nǎm nè yà' mɔ ni'ì yi pwe'fo'. Nǎm nè à tse' tu sǎmba bə ndoṅ mbwa hum.

4 Nwà nè à nitse' cəək sè bəbaṅ sè yà' gu nteṅ vɛ'ɛ wùriṅ. Yi à jə guù bə bum mok sè yà'a ba'agè ba'a, bə ntəntuṅ wèṅ, nè fùhù ni' ye bə zeṅ vɛ'ɛ pap. Yi kotse' ṅgàp mòk ndzə bohòyi nè wo à gù nà' bə guù. Ngàp nè à rwiṅ mègù ca bə

bum jòon sè bup sè yà' à tesə vè bə sàha sè yi kogè sə.

<sup>5</sup> Wo à còm naan fa yi liŋ mok mu nzà sihi yi bə gbɔ' də,

LAK SÈ GHAN SÈ DƏ BABILÒN  
MA BÙ NĠÀA KO SÀHÀ  
NƏ YE BÙ NĠÀA ĠÙ BUP  
JÌ MARÈ'tu SƏNƏ NZENĠÒN

<sup>6</sup> Mù yə sè' də ŋwà nə à jùhu mbum nduəm bùu Nwi sè wo à zə wo də bùusè wo sə be' mandzè Jisòs.

Mù à yə ŋwà ènə fana mù mərə wùriŋ.

<sup>7</sup> Fana masinjà Nwi nə fek mu də, <<Wù sə mərə yà? Yuk, mu tsok reŋsə fa wu gbɔ' nè nà' cu bə ŋwà ènə. Mu nə reŋsə fa wu bə nàm ŋgòŋ nè yi tse' tu sàmba bə ndon hum, nè yi bèk tse' ŋwà ènə nə sè'.

<sup>8</sup> Nàm ànə à ye to mantombi fa' ŋwəm, ŋga'a nè'e yi ka ŋwəm mok yeŋ fe'lə. Yi nə tesə kok sənə wu sè yà'a kà lègè sə fana yi lo mvwe' sè yi nə kpɔ bisə mok kè' mò'fis. Bùu sè wo cu sə nzenĠòon nə mərə wùriŋ ŋga wo yə nàm nə. Wo nə mərə bùusè nà' à ye to ŋwəm, nə kà ŋwəm mok sè ye fe'lə, nə duk də yi nè kè vè mali sèmok. Yè'sə bùu sè wo à ka liŋ awo ndzənə ŋwàk lùŋ com gesə fa yuk mvè'nè nzenĠòn nə à yè yèe.

<sup>9</sup> <<Bwiŋ jəŋ ŋkərə, nə riŋ bum yè'sə. Tu sè sàmba yà'a a nda sè sàmba sè ŋwà nà'a kok cu mbwa sə.

10 Yà' tɛ yà'sɛ sɛ' mʌnɔ tu ŋkɛŋkum sàmba. Ŋkɛŋkum yè'sɛ, sɛ tɔŋ à gbù cà gɛsɛ lòyàwo laŋ. Sɛ sak gaŋ sɛ ŋga'a nè mò'fis fana mòk cum fe'lɛ mò'fis nè yi nè sɛ vɛ ye maŋkwɛŋ. Nà'a nè vɛ, yi nè sak megu gaŋ ye sɛ sɛ' mvɛk momjo wà, kà tètè ye.

11 Nàm ŋgòn nè yi à ye to fa' ŋwɛm, nè kà nè ŋwɛm ŋga'a yeŋ nè, yi ye ŋkum nè fwame'. Yi lo' gù sɛ' bɛ bɔp ŋkɛŋkum sɛ wo sàmba sɛ. A nè lɛ dɛ wo nè gu bɔpsɛ yi.

12 <<Ma nè ndoŋ sɛ hum sɛ wù yɛ yà'a, a yà'a ŋkɛŋkum sɛ wo ka gaŋ yàwo ntòkok. Wo nè koksɛ wo gaŋ, wo ye lok bɛ nàm nè wɛŋ bɛbɛ'. Wo nè kà mvwe' gaŋ sɛ tètè cu. Anɛ megu mvɛk ghàr vɛ'ɛ sɛnɛ nùmbu nè mò'fis.

13 Ŋkɛŋkum sɛ hum yè'sɛ, wo nè tse' megu cùu sɛ mò'fis dɛ nàm nè ŋkum nè ghaŋ bohòwo pwe' yi.

14 Wo nè mak dzɛ' bɛ Mo Nsùŋgaŋ Nwì fana Mo Nsùŋgaŋ nè nè ghak wo yi. Yi nè ghak yà' bùusɛ yi ŋkum nè yi tse' ŋkɛŋkum pwe' yi nè ye Tà nè yi tse' tà wɛŋ pwe' sɛ' yi. Ŋkum nè fɔpwe' nè wup fa tsoŋ yi bo, nè duk dɛ <Tà.> Bùu yee nè ghak bɛ yà'wɛŋ bɛbɛ'. Bùu yee sɛ yi to nè cokfis yà'wɛŋ fana wo sɛ bɛ' mandzɛ nje bɛ zinɛ.>>

15 Masinjà Nwì nè duk mɛ dɛ, <<Ndzɛp nè wù yɛ nà' ŋga ŋwà sàhà nè cu fo' nà'a, nà' tɛ yà'sɛ mʌnɔ tu bwì wùriŋ bɛ lak sɛ sɛnɛ nzeŋgòn nè lòoŋ fo', sɛ wo sɛ cɛp ncɛɛp lak pwe'.

16 Ndoŋ sɛ hum sɛ wù yɛ yà'a bɛ nàm ŋgòn, wo nè bùuŋ bɛŋ ŋwà sàhà nè. Wo nè fep wes lo

cèək ye pwe', nə me'rə yi nswè'mbwè. Wo nə zə tiŋ ye sə, nə teŋ yi bə mis sè'.

<sup>17</sup> Nwi a gù wo yi də wo tse' cùu sè mò'fis, ya yà'wèeŋ gù yusè yi à dzəm də yà'a nə ye ve'nə sə, nə fa ɲàaŋ awo bohònàm ɲgòn nə sè'. Yà'a nə cum mam ve'nə tètè bum sè yi à cèp sə nə yeŋ mvè'nè yi à cèp sə.

<sup>18</sup> Nwà nè wù yə yi ànə, a yà'sə ntum lak nè ghaŋ nè yi tse' ɲkəŋkum sè sənə nzeŋgòn nə pwe'fo' yi nà'a.>>

## 18

### *Lak Babilòn Gbù Lan*

<sup>1</sup> Yà'sə à mèe, mù ye fe'lə masinjà Nwi mòk sèmok ɲga yi tsə vè mɔbu. Yi à tse' ɲaŋ ve'ɛ wùriŋ. Mvè'nè yi à vèə, mareŋ ye reŋ wes nzeŋgòn nə pwe'.

<sup>2</sup> Yi sə fuŋ fis bə ɲaŋ duk də, <<Lak Babilòn, sè yà'a lak sè ghaŋ sə, yà' gbù lan. Nà' gbù ve'ɛ nsàp nèbɔp, nè bɔp nə. Nwè nəmòok fo' mok bùè, megu mok fo' ze' bə yòŋsèə sè bɔp wèŋ. Jìgawà' bə nsàap swiŋ sè bɔp pwe' sə kə yiskok gù fo' mok wo.

<sup>3</sup> Yi gbù ve'nə bùusè bùu sè sə nzeŋgòn wèŋ à sə noho rùuk ye, yà' ye yà'a də bə yà'wèŋ sə koho sàhà fana yà' bɔpsə wo. Njo nè yi à tse' ghàk lələ bùu sàhà nə fana yà' gù ɲgàa sèŋ bum nteŋ wèŋ bɔuŋ wes ɲgàa ghàk pwe'>>

<sup>4</sup> Anə geŋ, mù yuk fe'lə ɲgì mòk sè' ɲga nà' sə cèp tsə vè mɔbu anə sè' ɲkuŋ. ɲgì nə sə duk də, <<Bùu am wèŋ, wèŋ tesə gesə mvwe' lak yà'sə fo'. Wèŋ tesə ya wèŋ kà bɔp wenə wèŋ sə gù

be'lè, ya wèeŋ kà ɲgə' nè yi nə ye nə wənə wèn  
yə be'lè.

<sup>5</sup> Wèeŋ riŋ sè' də bɔp sè yi sè gù tètè yà' kùk  
təeŋ lo mɔtsè co nda yà'a, Nwì a ka yà' swì.

<sup>6</sup> Bɔp sè yi a gù fa bwìiŋ foho və fe'lə mɔtuhù  
yi. Nsàp ɲgə' nè yi a fa bwìiŋ foho və mɔtuhù yi  
sè' mɔvək ànə kè' ba. Rùuk ye sè cəcəp sè yi sə  
fa bwì yà'a, wo fa fəsə yi sè yà' cəp cəsə ye sə  
kè' ba, yi no yà'.

<sup>7</sup> Mvə'nè yi à sə cu to fa', nə sə dɔk də yi ɲwà  
nè ghaŋ, nə sə yuk lùm nè bɔp yà'a, ɲgə' nə ye  
bə manziŋ və bohòyi sè' vɛ'nə. Bɔsè yi à sə nènì'  
də, <Mɔ ɲkum, mɔ ka ɲwà ɲgwemfə yeŋ, fana  
mɔ nə kà kpɔ sè wa yuk.>

<sup>8</sup> Njə nè yi a sə cəp nsàap bum yè'e vɛ'nə fana  
ɲgə'ə nə ko yi nùmbu mòk. Nùmbu ànə ye, yi  
nə yaŋ, manziŋ ko yi, njè yaŋ yi fana mis tɛŋ yi  
sè'. A nè ye vɛ'nə bɔsə Nwì nè yi Tà àvès nə, yi  
tse' ɲàŋ nə ghak bum pwe', nə sak cì' nzak ye nə  
yi.>>

### *Bwìŋ Sə Wa Kpɔ Babilòŋ*

<sup>9</sup> Nkəŋkum sè sə nzeŋgòŋ sè bə yà'wèŋ à sə  
kohò sàhà nə sə cum ncu lùm sə, nə ye ndindi  
sè mis sə tèn səsə lak yà'sə, fana wo nə bək bo  
awo mɔ tuhù, nə waŋ.

<sup>10</sup> Wɔə nə ko wo fana wo kə təeŋ mɔwɛ' səsap,  
nə sə kɛ'ɲgùŋ də, <<Háva' èè, wɔrək. Tà wèŋ na.  
Wù lak Babilòŋ nè wù a tse' ɲàŋ vɛ'ɛ wùriŋ nə,  
ɲgə' və, nə kə ləsə gesə wu moòm ghà nə nàk  
vɛ'nə èè?>>

<sup>11</sup> Nğàa sèn bum wèn pwe' nə waŋ sè' bɔsè  
ɲwə nè ɲgòywiŋ bum awo ka mok yeŋ fe'lə.



12 Lak yà'sə à sə ywiŋ bum sè wo nihi yà' mɛ ni'l wo sè wo à gù bə nsàap nteŋ mok sè bəboŋ co guù bə siva. Bə nsàap liis mok sè yà'a bà'a bònşəgè wùriŋ. Wo à sə sèŋ nsàap cək zəzok bə cək tu wèŋ sè yà' kosə mbàm. Wo sə seŋ nsàap tɛ sè wo gù bum sè mɛ nda'à bə zeŋ, bum sè wo gù bə nteŋ nə ye liis sè yà' sə kɛ rəŋ bònşə vɛ'ɛ wùriŋ wèŋ.

13 Mok ye bum sè yà' rəm boco làmindà, mfòŋ sè bəboŋ, mbòn bə nsùŋgaŋ nə ye bə nàambàrè sè yà'a sègè cariyòwèŋ sè'. Wo à sə ywiŋ bum yè'sə tètè nə ywiŋ bə bwì co ŋkwèŋ sè'.

14 Ngàa sèŋ bum sə wèŋ nə duk də, <<Bum sè wù a sə tes ntəm fo' sə cà lòwes pwe'fo'. Ghàha yo bə bum sè wù à sə tse'gè yà', nə sə yuk lùm fo' sə pwe', wu nə kà yà' mok rəmsə yuk.>>

15 Wɛə nə ko ngàa sèŋ bum wèŋ sè wo à tse' bum bohòyi sə bùusè wo yə mvè'nè lak yà'sə sə yə ŋə'. Wo nə kə təŋ mvwe' səsap, nə bək naaŋ bo awo mɛ tuhù, nə sə waŋ də,

16 <<Hàva'-èè, wɛrək. Yè'sə ndòmòk bohòlak yà'sə vɛ'nə àlɛ-òò. Yi a sə ye to fəŋ co ŋwà nəmòk nè yi fom ŋgwèŋ vɛ'ɛ wùriŋ, sə ni cək sè fəfop bə sè bəbaŋ wèŋ. Nə sə ye sè' co ŋwà nè yi sə fùhɛ ni' bə bum sè yà' sə bà'a vɛ'ɛ sè wo à gù yà' bə guù liis sè yà' kosə mbàm.

17 Ja'a na yàwèŋ mvè'nè ghàha ye sə duk gù vɛ'ɛ ncuk kɛ' mò'fis, nə ca gesə lo.>>

Bù ŋkwàha bùu sè wo tse' ŋgwes bə bùu sè wo fàkgè ca, nə ye bùu sè wo tse'gè mbàam yàwo bə fàha sè ma sə ndzəpè pwe'fo' à təŋ sè' mvwe'

sèsap.

<sup>18</sup> Wo tæŋ fo', nə sə fuŋ mvè'nè wo yə nga ndindi mis sə lòkok mætsè nga lak sə sə sə. Wo sə cep də, <<À yè yèe, lak mok ka co yè'e ntòyam dzeŋ yuk.>>

<sup>19</sup> Wo à gbù dzərə sə nze, nə sə kɛ'ŋgùŋ də, <<Ghughì', a ndòbohòlak yè'sə. Bù ngàa tse' ŋwes mu ndzəpè pwe' a bùuŋ ngàa ghàk bùu ghàha lak yè'sə. Wèeŋ ja'a na mvè'nè yà' mè gesə gù vɛ'ɛ kè' mò'fis è.>>

### *Lak Babilòn Tse' NgòYə Ngə' Vɛ'ɛ Bòn*

<sup>20</sup> Bwe mabu wèeŋ sam, nə kwa bùu lak Babilòn gbù laŋ. Ngàa ntum Jisòs bə ngàa tsòhòbum Nwi wèeŋ ŋak sè'. Bùu Nwi pwe' kwa ŋak vɛ'nə bùusè Nwi a làk fəsə fa lak yà'sə fòo sè yi à yeŋsə weŋ ŋə' sə laŋ.

<sup>21</sup> Fana masinjà Nwi mòk à vèə, nə kə le' ma ŋkùŋkùm lis mòk co ŋgòk, nə mak bisə gesə lo nà' sənə ndzəp nè ghaŋ nə, nə cep də, <<Yà'a mvè'nè wo nə kuəmsə mak lak sè ghaŋ sè wo to yà' də Babilòn yà'a vɛ'nə fana ŋwè kà yà' mok yə fe'lè.

<sup>22</sup> Bwiŋ nə kà nga ŋwè sə buk luŋ, kè nga wo sə fəəp ndiŋgòm, kè fəəp ntàŋ nə ye nga bwì sə yəm ŋkì fo' mok yuk fe'lè. Ngà gù tsərə bum bə bo nə kà mok mvwe' lak yà'sə sè' ye. Wo nə kà nga ŋgòk cèp də ŋwè sə gòk beŋ fo' mok sè' yuk fe'lè.

<sup>23</sup> Kàak nə kà fo' mok sè' kuə yuk. Wo nə kà gùrè fo' də wo bèk ŋwàŋwè mok sè' fa yuk. Bù ngàa sèŋ bum sè mvwe' lak awèŋ à ye bùu sè

bwi sə nzenḡòŋ wo. Wèŋ à sə bərə wes bwi pwe' bə rəəm awèŋ sè', yà'a ŋga'a mok bùè.

<sup>24</sup> Lak yà'sə yə ŋgə' ve'nə bùusè wo yə nduəm ŋgaa tsòhòbum Nwi bə bùu Nwi mok weŋ nə ye bùu sè wo à zə wo sə nzenḡòŋ feŋ pwe'fo' mvwe' lak yà'sə.>>

## 19

### *Wo Yəm Nkì Məbu NgòKùksə Nwi*

<sup>1</sup> Yà'sə à mée, mù yuk ŋga ŋgii bwi sə ywè' məbu ve'ε ŋkàũŋtèŋ. Wo à sə yəm ŋkì, nə sə gurə bə ŋàŋ duk də,

<<Hàliluyà, kwasə Nwi.

A yi nè yi gù tètè a tse'è nə lùŋ nə.

Kèkuk bə ŋàŋ pwe' ye bohòyi.

<sup>2</sup> Yi ŋwè nè yi tse' zìnə,

Yi sakḡè nzak nje bə mandzè nè nà'a kèkurè.

Yi sak nzak ŋwà sàhà nè sàhà ye sə à sə bupsəḡè nzenḡòŋ nə nà'a,

Nə lak fəsə fa nà' fòo sè ŋwà nə à zə bwe ŋgaa fàha ye sə.>>

<sup>3</sup> Wo à duk fe'lə də <<Hàliluyà>> sèmok. Wo də, <<Ndindi sè yà' sə lòkok mvwe' lak yà'sə mvè'nè yà' sə sə,

Nə kà teŋsə yuk.>>

<sup>4</sup> Fana bù ŋkwàha bùu sè hum ba-ncòp-kwè, bə yum sè kwè sè wo cu ŋwəm sə à bùu sə nze, nə kùksə Nwi nè yi cu mənə kapràk nə. Wo à sə kùksə yi, wo sə cep də, <<Hàliluyà, a ye ve'nə.>>

<sup>5</sup> Mù yuk ŋga ŋgì mòk sə cèp tesə vè mvwe' kapràk Nwi. Nà' sə cep də,

<<Wèṅ bù ṅkwàha bwì bə bweṅke' pwe'fo' sè  
wèṅ fàk bohòNwì, nè sə wəp yì,  
Wèṅ kuksə Nwì àvès nè.>>

<sup>6</sup> Mù yuk fe'lə yumok co a ṅgii bwì vε'ε nduk  
nè nduk. ṅgii sə yuhu co sə gbà cəcwà nè ye co  
mbùṅ sə kùm yi sè'. ṅgì nè sə cep fis də,  
<<Haliluyà, Nwì àvès nè yi sè' Tà àvès,  
Yi tse' bum pwe' mok ndzə bohòyi.  
Yi yèto gaṅ ṅkum ye laṅ.

<sup>7</sup> Vesùwèṅ ṅak, nè kwa bəboṅ,  
Nə kuksə liṅ ye sè ghaṅ sə.  
A vε'nə bùsə mvək kùrə laṅ nè Mo Nsùṅgaṅ  
Nwì nè nè gū gù.

ṅwegù nè fàhə ni' ye ṅgòlògùu sə sè' laṅ.

<sup>8</sup> Nwì fa yi cəək sè fəfop ṅgòni,

Yà' rēṅ vε'ε, nè sə ba'a sè'.>>

Cəək sè fəfop yà'sə tə mənə tu bum sè bəboṅ sè  
bùu Nwì wèṅ à gūu.

<sup>9</sup> Fana masinjà nè yi à cèp to bohòmù man-  
tombi fa' nà'a dək fe'lə mɛ də, <<Còm bum yè'e:  
A rēṅsi bohòṅwə nè wo to yi də yi və mwε' gùu  
Mo Nsùṅgaṅ nè.>> Yi à cèp wes vε'nə fana yi dək  
fe'lə mɛ sè' də, <<Cep yè'sə Nwì bə tu ye.>>

<sup>10</sup> Anə geṅ mù gbɛ tsooṅ sə nze də ya mɛ  
kuksə masinjà Nwì nè fana yi dək mɛ də, <<Kà  
vε'nə gù. Mù mègù sè' ṅgà fàk Nwì co wù, nè  
ye sè' co moma nè fòpwe' nè yi jə ncèp nè zìnə  
nè Jisòs à nitsè' fa bwì nà' nè. Wù tse' ṅgòkùksə  
mègù Nwì yìyi.>> Zìnə nè Jisòs à nitsè' fa bwì  
nə, a ntəm ncèp nè ṅgàa tsòhòbum Nwì wèṅ à  
sə tsòho fa bwì nè.

*Nwè Nè Yi A Kok Nàmbà'rè Nè Fəfop*

11 Fana mù ye nga ntòbu mùhu nòto. Mù ye gesè nàmbà'rè nè fəfop mbwa. Liŋ ɲwè nè yi à kok cu mənə nàmbà'rè nə à ye də, <<Ŋwè nè zìnə nè aco a naaŋ tu bohòyi.>> Yi kəkurè bə mandzè nè yi sakgè nzak, nə ye bə mvè'nè yi màkgè dzè'e ye sè'.

12 Lis ɲwè ènə à ye co sə kəə ləm mis. Yi à ta tse' tàam ɲkum mətuhù yi vɛ'ɛ ɲkəuɲntɛŋ. Wo à còm naaŋ fa yi liŋ mòk mə ni'ì yi nè yi rì mègù nà' yi yìyi.

13 Yi nitse' cək mòk nga wo à cì nà' bə ndəəm. Wo to liŋ ye mok sè' də, <<Ncèp nè Nwi.>>

14 Bùu sè mabu pwe' à sə be' lòyi co də a ɲgàa mà' dzè'. Wo à nitse' cək sè yà'a rərəŋ nə ye fəfəp. Wo pwe' à kok cu mənə nàmbà'rèə sè fəfəp.

15 Fèk mòk à tesə tsoŋ kè cùhu yi. Nà'a fèk nè yi nə ləsə lak sè fòpwe' bə zeŋ, nə ghak yà'wèŋ, wo sè wo kà yi dzəmgè. Yi nə kok gaŋ sə gəgəŋ mətuhù wo nə sə sak bə ntò' nteŋ, nə kə ɲam fis ndzəp nto'o grep mvwe' sè wo ɲamgè sə. Yè'sə nə sə niŋ tsok mvè'nè də Nwi yi tse' ɲəŋ pwe' yi, nə sə jok vɛ'ɛ wù kà fùk.

16 Wo à còm naaŋ fa yi liŋ ye mə cè'ə yi bə mə bù'u yi sè'. Liŋ sè wo à còm sə à ye də, <<Ŋkum nè yi tse' ɲkəŋkum pwe' yi, nə ye Tà nè yi tse' tà pwe' yi.>>

17 Mù yə fe'lə sè' nga masinjà Nwi mòk tə mənə nùm nè nà'a togè nè'e. Yi sə to fuŋ swiŋ sè yà' a zəgè vèeŋ bum də, <<Wèeŋ və, nə kə zə ɲkà' nè ghaŋ nè Nwi to nə.

18 Wèeŋ kə zə vèeŋ ɲkəŋkum bə vèe ɲkum

sojà nə ye bùu awo sè wo tse' nàŋ sə wèŋ. Wèeŋ kə zɛ vèe nàambà'rè nə ye vèeŋ bùu sè wo kokgè yà' sè'. Wèeŋ kə zɛ vèeŋ bwì pwe'fo', vèe ŋkwèŋ bə bwe lak nə ye vèeŋ ŋkwàha bwì bə bweŋke' wèŋ pwe'.>>

<sup>19</sup> Anə geŋ, mù ye nàm ŋgòn nə bə ŋkəŋkum sè sə nzeŋgòn anə bə sojàa awo wèŋ. Wo à benə ŋgòdə wo mak dzè' bə ŋwè nə yi ànə kok cum mənə nàmbà'rè nə fəfop nə bə sojàa sè nà' wèŋ pwe'fo'.

<sup>20</sup> Wo à gha' yà'wèŋ, nə ko nàm ŋgòn nə, nə ko bə ŋwè nə yi à sə bòrə bwì də yi sə tsòho bum Nwì nà'a wèŋ. Yi nə yi à sə gù maŋgəŋgèŋ mantombi fa' mənə tu nàm nə nà'a. Yi ànə borə bùu sè wo tse' ncòom nàm nə, nə ye sè wo à sə kùksə yu nə wo à bom nà' ŋgòyamsə liŋ nàm nə sè' bə nsàap maŋgəŋgèeŋ yà'sə. Wo à ko jə nàm nə bə ŋgà bòrə bwì nə pwe' ŋwəm, nə kə mak gesə lo wo sənə mis mòk nə ghaŋ co tèm. Mis nə sə kɛ fo' bə nàŋ co wo gèsə ca ŋkàŋ.

<sup>21</sup> Nwè nə yi à kok cu mənə nàmbà'rè nə fəfop nə à jə fèk nə nà' à tesə tsə kə cùhu yi nə, nə zə wes ŋgàa màk dzè'e mok sə bə zeŋ lòoŋ fo'. Anə geŋ swiŋ wèŋ pwe' baŋ və, nə kə zɛ vèeŋ awo sə tètè wo ze' mɛuŋ mɛuŋ.

## 20

### *Jisòos Nə Sak Gaŋ Lùmŋgòn Ncùhù Mò'fis*

<sup>1</sup> Mù à yə masinjà mòk sè' ŋga yi tsə tesə mabu. Yi à kotse' ki wɛ sè yà'a kà lègè sə ndzə bohòyi. Yi kotse' kwaŋ mòk nə ghaŋ ve'ε ndzə bohòyi anə sè'.

<sup>2</sup> Yi à ko ñòron nə, nə kiŋ nà' bə kwan nə ve'e mpaan, də nà'a nə cum ve'nə mənə lùumŋgòn ncùhù mò'fis. Ñòron ànə, yi no nə yi à ye to mantombi fa' ntinə bə ntinə bùè nà'a. A sè' yi nə, nə liŋ ye mook də Satà, nə yi sè' ze' nə.

<sup>3</sup> Masinjà Nwi nə à jə yi, nə kə mak gesə lo sənə wə sè yà'a kà lègè sə. Yi mak gesə nà' ca, nə lok bə ki, nə lem bonse ncùu wə sè bèbon də ya nà'a kà tesè kok. Yi də nà'a nə cum ca ve'nə mənə lùumŋgòn ncùhù mò'fis, nə kà ŋgò kè bòrə kə' bwì sənə nzeŋgòn mok cu. Lùumŋgòon sè ncùhù yè'sə me wes ntsə' nə ŋkuŋ wo fiŋ me'rə tsoŋ yi mənə mvək moòm ghàr ve'e.

<sup>4</sup> Mù à yə kapràak mok ŋkùuŋntèn, ŋga bwì cu mbwa. Bùu sè wo à cu mbwa sə à ye bùu sè wo a fa wo ñan ŋgòsak fa bwì nzak. Mù à yə yòŋsə bùu sè wo à zə wo də yà'wèŋ cèp fis kè cùhu wo də wo dzəm bohòjisòs, nə sə tsoho fa bwì ncèp Nwi yà'a sè'. Yè'sə bùu sè wo à ka nàmŋgòn nə kə yu nə wo à ci ŋgòyamsə liŋ ye nə nà'a co Nwi kuksə. Wo à ka sè' dzəm də wo naan fa wo ncòom nàm nə mɛ nzà sihi kè ndzə bohòwo àlɛ sè' dzəm. Bùu sè wo à kpɛ sə, à lòkok vè mvwe' kpɛ ŋwəm, nə sə kə sak gaŋ bə Krest. Wo à sak ve'nə tètè lùumŋgòn ncùhù mò'fis.

<sup>5</sup> Yà'a mvè'nə bwì a lòkok to mvwe' kpɛ, ntò nə kè' mò'fis. Bù kpɛkpɛ mok sə pwe' à ka yàwo lòkok tètè lùumŋgòon sè ncùhù mò'fis à cà ŋkuŋ.

<sup>6</sup> A reŋsi bohòbòp bù nə wo lòkok mvwe' kpɛ nə mantombi ènə. Nwi a sè fis wo yà'sə zok. Kaco kpɛ nə kè' ba nə jwɛŋ fe'lə wo mok yeŋ. Wo nə sə gɛ bum sè ŋgòkùksə Nwi nə ye Krest

sè' co ηgàa fa satikà' bohòNwì, fana bè yà'wèη  
kok gaη sè mənə luumηgòη ncùhù mò'fis.

### *Wo Gha' Satà Lan*

<sup>7</sup> Luumηgòoη sè ncùhù sè cà fana wo nə fiη  
me'rə Satà mvwe' sè yi cu ndapndzəm sə.

<sup>8</sup> Yi nə gi ke' wes lak nzeηgòη nə ma nè  
fòpwe'fo' ηgòbòrə bwì. Liη lak yè'sə wo togè yà'  
də Gòg bè Magòg. Yi nə to benə yà'wèη mvwe'  
mò'fis də bè yà'wèeη təm dzè' bè Nwì wèη. Wo  
nə ye ve'ε wùriη co ηgwansaa sè sə ηgə ndzəp  
yè'e.

<sup>9</sup> Wo maη lo mvwe' nzeηgòη nə fo' pwe'fo'. Wo  
kə kūrə lok mvwe' sè bùu Nwì wèη cu sə sè',  
mvwe' lak sè a fo' ntum lak nè Nwì dzəm nə.  
Wo təeη dzooη ve'nə, mis tsooη mabu, nə ləsə  
wo fo' lòoη.

<sup>10</sup> Fana wo à jə ze' nè yi à sə bòrəgè wo nə, nə  
mak gesə lo nà' sənə mis nè nà'a co təm, nə sə  
kuə co wo gèsə ca ηkàη nə. Yà'a sè' mvwe' sè  
nàm nə bè ηgà bòrè bwì də yi sè' ηgà tsòhòbum  
Nwì nə, cu sè' ca. Wo nə cum ca, nə sə ye ηgə' nè  
marəη bè nè ndzəmè pwe'fo' mvèsə nè mvèsè.

### *Sak Nzak Nè Nà'a Mok Nè Lèsè Mbwè*

<sup>11</sup> Mù à ye fe'lə kapràk mòk nè ghaη nè nà'a  
fəfəp, ηga ηwè nəmòk kok cu mbwa. Yi tesə və  
ntèη, ntòbu bè nzeηgòη nom bisə wes fo' pwe'  
wà.

<sup>12</sup> Mù ye bweηke' bè ηkwàha bwì wèη sè  
wo ànə kpə taəηntèη ηga wo tə kə mantombii  
kapràk nə. Wo à jə vè ηwàha mok, nə muk yà'.  
Wo muk fe'lə ηwàk mòk sè' nè nà'a ηwàk lùη.



Ŋwè nè yi à cu mənə kapràk nə à sə sak nzak bwì yi. Yì à sə sak wo bə yusè wo à còm nòņsə ndzənə ŋwàak sə də yà'wèŋ à gùu.

<sup>13</sup> Bwì pwe' à ye fo', nè mò'fis kà bwehè. Bùu sè wo à kpɛ ma sə ndzəpè, à tesə foho vè fe'lə sè'. Kpɛ bə nzeŋgòn yòņsəə bù kpɛkpɛ pwe' à tum fəsə vèsə bùu awo maŋkwèŋ, ya wo sak yà'wèŋ bə bum sè wo à gùu.

<sup>14</sup> Fana wo à ko jə kpɛ bə nzeŋgòn yòņsəə bù kpɛkpɛ pwe', nə mak gesə lo wo sənə tèm mis nə. Tèm mis ànə kpɛ nè ba nə.

<sup>15</sup> Ŋwè nè wo à ka liŋ ye ndzənə ŋwàk lùŋ nə ye pwe', wo ko mak gesə lo yi sənə tèm mis nə.

## 21

### *Jòrosalèm Nè Fi*

<sup>1</sup> Anə geŋ mù ye ntòbu nè fi bə nzeŋgòn nè fi sè'. Ntòbu bə nzeŋgòn nè mantombì nə à cà wes lòlaŋ. Ndzəp nè ghaŋ nə à ka mok sè yeŋ fe'lə.

<sup>2</sup> Mù ye ŋga'a lak sè rərəŋ sè wo to yà' də Jòrosalèm nè fi nə, ŋga nà' tesə tsoŋ mɛbu. Nà' à sə tesə tsoŋ vè yà'sə bohòNwì. A ye ŋga wo fùhu tsərə nà' co wo fùhu wà'ŋgwèŋ ŋgòfa lòndu ye.

<sup>3</sup> Mù yuk ŋga ŋgì mòk sə cèp vèsə mvwe' kapràk nə bə ŋàŋ də, <<Yeè, Nwì vè ŋgòcu mok bə bwì wèŋ mvwe' mò'fis. Yi nə sə cum bə yà'wèŋ, wo nə ye bùu ye, yi ye Nwì yà'wèŋ sè'.

<sup>4</sup> Yi nə yisə fis fa wo ndzəplis awo pwe'fo'. Kpɛ nə kà mok ye yuk, manziŋ kà sè ye fe'lə, waŋ kà mok sè ye, yaàŋni' kà sè ye yuk fe'lə. A nə ye vè'nə bùusè bum sè zəm a cà lòwes laŋ.>>

<sup>5</sup> Nwèh nè yi à cu múnə kapràk nə cep fe'lə də, <<Yeè, mù sə gù bum pwe' mok fi nè fi.>> Nə duk mù sè' də, <<Còm bum yè'sə, bùusè ncèp ènə nə kà wà cà, nà'a zìnə.>>

<sup>6</sup> Yi duk fa mali mù də, <<Fàak am mè wes mok laŋ. A mù nè mù Alfà nə ye Omegà, nè mù yèto nə ye nè mù lèsə. Mù nə fa ndzəp nè nà' sə kì tesə vè mvwe' ndzəp nè nà'a mantùŋ lùŋ nə bohòndàaŋwè pwe' nè ntəm sə sə yi. Mù nə fa yi yà' wà.

<sup>7</sup> Nwèh nè yi gha'-a pwe'fo', mù fa yi bum yè'sə sè' pwe'. Mù nə ye Nwì ye, yi ye mo àm.

<sup>8</sup> Nə ye də bohòbòp bù nè wo ngàa wuə, ngàa kà zìnə tse' wèŋ, ngàa gù bup sè cà cù wèŋ, ngàa zə bwì, nə ye ngàa kohòsàhà wèŋ pwe', wo nə yə ngə' nè wù kà fùk. Bùu sè wo ngàa fe ngam wèŋ, ngàa gù rùm bə ngàa cì' mvwès wèŋ pwe'fo' wo nə yə ngə' sè' wù kà fùk. Nsàap bùu sè wo gù bum sè bup yè'sə pwe', wo nə ko wo, nə mak gesə lo wo sənə tèm mis nè nà' sə kuə co wo gèsə ca ŋkàŋ. Nà'a yà'a kpə nè ba nə.>>

<sup>9</sup> Masinjà Nwì mòk mungorè masinjàa sè sàmba sè wo à tse' ngàap ngə' sàmba sə, à duk mù də, <<Vèə ya mù niŋtsok fa wu wà'ngwèŋ nè yi ngwe Mo Nsùŋgaŋ nə.>>

<sup>10</sup> Anə gèŋ, Yòŋsə Nwì ko wumsə mù, fana masinjà nə jəŋ lo mù mvwe' nda mòk nè nà' sàp vè'è wùriŋ. A kè dzèŋ fo', yi niŋtsok fa mù lak Nwì sè yà'a rərəŋ sè wo to yà' də Jòrosalèm ŋga yà' sə tesə tsə mubu bohòNwì.

<sup>11</sup> Mareŋ Nwì à sə rəŋ fo' vè'è, lak sə sə ba'a co

nsàp lis mòk nè wo togè nà' dè jaspà. Yà' sè rɛŋ vɛ'ɛ daàŋ daàŋ.

12 Wo bom dzoŋ yà' bə ŋka' sè yà' à sàp lòmɔtsè vɛ'ɛ wùriŋ. Ŋka' sè à tse' ncù hum-ncòp-ba. Masinjàa ye fo' sè' hum-ncòp-ba sè wo sè jə ŋkərè bə ncùu ŋka' sè mò'fis, mò'fis. Wo à còm naaŋ liŋ bòp bwe Izùɛ wèŋ sè hum-ncòp-ba mənə tu ncùu ŋka' sè mò'fis mò'fis lònŋfo'.

13 Ŋka' sè à tse' ncù tɛ' tɛ' ma mò'fis. Ncù à ye ma ntonùm tɛ', ma nconùm sè' tɛ', ma kəkək sè' tɛ' nə ye ma tsətsoŋ sè' tɛ'.

14 Wo à ci kùum ŋka' sè mənə lis hum-ncòp-ba. Wo à còm naaŋ liŋ bwe ŋgàa ntum Mo Nsùŋgaŋ sè wo à ye hum-ncòp-ba sè mənə liis sè mò'fis, mò'fis.

15 Masinjà nè yi à cèp bohòmù nə à tse' nteŋ mòk nè wo fùkgè bum bə zeŋ, ŋga wo à gù nà' bə guù. Yi à jə vè nà' ŋgòfùk lak sè bə zeŋ, nə fùk ncùu ŋka' sè bə mbàaŋ sè sè'.

16 Masinjà nə à fùk lak sè, nə ye də yà'a yəyərè, ma mòk à ka ma mòk sap ghak. Ma nè mò'fis à ye co kilomètà ncùhù ba bə ŋkù ba. Yà' à ye vɛ'nə ma kwè fo' bə kəkək wèŋ pwe'.

17 Masinjà nə à fùk mbàaŋ ŋka' sè sè', yà' tesə mità hum sàmba. Yi à sè fùk yà' sè' mvè'nè bwiiŋ fùkgè bum.

18 Wo à ci mbàaŋ sè bə lis nè wo to nà' dè jaspà nà'a. Wo à ci lak sè yàwo bə guù sè yà' sè rɛŋ vɛ'ɛ wùriŋ co gèlas.

19 Kùum ŋka' sè yà' à təəŋ dzooŋ lak sè, wo à gù yà' bə nsàap lis hum-ncòp-ba də ya ŋga yà'a fom boŋ wùriŋ. Liis sè à tse' ncòm sè bəboŋ

wùriŋ. Mòk à ye fəfəp, mòk bəbaŋ, mòk səsən wèŋ nduk nè nduk. Liŋ lis mòk à ye də, jaspà, nè ba də safi, nè tɛ' àgàte, nè kwè emerà;

<sup>20</sup> nè tàŋ onèk, nè ntùŋfu də kàniliyà, nè sàm̄ba kwaas, nè fwame' berì, nè vèke' topà, nè hum krisopàràs, nè ncòp-mò'fis də jàsŋ fana nè ncòp-ba nə də ametis.

<sup>21</sup> Wo à gù ncùu ŋka' sə bə lis nè bəboŋ nè wo to də perèl nà'a. Wo à gù ncù fòpwe' bə lis mò'fis, mò'fis. Mandzəə sè mvwe' lak yà'sə, wo à gù yà' bə guù, yà' sə rɛŋ daàŋ daàŋ daàŋ.

<sup>22</sup> Mù à ka ndap Nwi mvwe' lak yà'sə ye bùusè Nwi nè yi Tà àvès, nə tse' ŋàŋ pwe' yi nə, bə Mo Nsùŋgaŋ nə à ye fo'.

<sup>23</sup> Bùu sè fo' sə à ka fàk bə nùm kè ŋwə àlɛ tse', bùusè mareŋ Nwi à sə rɛŋ fo'. Mo Nsùŋgaŋ nə à sə rɛŋ mvwe' lak yà'sə sè' co laàm.

<sup>24</sup> Bùu sè sə nzeŋgòŋ nə sə gi ye jəŋ sè' bə mareŋ ènə. Nkəŋkum sè sənə nzeŋgòŋ nə pwe' nə jə və ghàha awo sè fo'.

<sup>25</sup> Ncùu ŋka' sə nə sə noon megu to ghà nè fòlòŋ, ŋwè kà yà' lok bùusè ndzəm nə kà fo' sɛŋ yuk.

<sup>26</sup> Wo nè jə vè ghàk bə bòŋ nzeŋgòŋ pwe'fo' fo'.

<sup>27</sup> Megu də yumok sè yà'a bup nè kà mandzə ŋgòkè ni fo' tse' lok. Ngàa gù bum marè'tu bə ngàa cì' mvwès wèŋ nè kà fo' sè' kè ni yuk. Bùu sè wo nè ni fo', mègù wo sè wo à còm nòŋsə liŋ awo ndzənə ŋwàk lùŋ nè Mo Nsùŋgaŋ nə.

*Ndzəp Nə Ye Tɯ Sə  
Yà'a Fagè Bwìŋ Lùŋ*

<sup>1</sup> Masinjà nè à jə lòmɯ, nè kə niŋ tsok fa mɯ mantùŋ nè nà'a fagè bwì lùŋ nè. Ndzəp nè à sə bà'a, nè sə rɛŋ vɛ'ɛ njàaŋ. Ndzəp nè à sə tesə vè mvwe' kapràk Nwì bə Mo Nsùŋgaŋ nè.

<sup>2</sup> Nà'à sə kì cà mʉtsətsə'rəə ndu mandzè nè mvwe' lak yà'sə. Tɯ sè ŋgwii sə fagè bwì lùŋ à təŋ tsoŋ lòŋgɯ mantùŋ anə ma ba fo'. Tɯ sə zəmgè nsàap ŋgwì hum-ncòp-ba sənə lùmŋgòn nè mò'fis. Yà'a zəmgè nsàp nto' nè zok bə ŋwɯ nè fòpwe'. Wo sə jəŋ mvùu tɯ sə, nè sə gɯ mesə fa bwì mvwe' lak pwe' yiyaŋ awo bə zɛŋ.

<sup>3</sup> Mɯ zəp yu nəmòk nè co Nwì kà bə zɛŋ kwa kà fo' ye yuk nè kè' mò'fis. Yu nè nà'a nè ye fo' mègù kapràk nè tse' nà' Nwì nè ye bə Mo Nsùŋgaŋ nè. Bùu ye wèŋ nè sə kuksə yi sè' fo'.

<sup>4</sup> Wo nè ye si ye, fana wo com naaŋ fa wo liŋ ye sə mɯ nzà sihi wo.

<sup>5</sup> Ndzəm nè kà mok sè ye, bwì kà fàk bə laàm kè nùm àɛ sè' tse' fe'lè, bùusè Tà Nwì, yi bə tu yee nè ye marɛŋ àwo. Wo nè kok gaŋ mok mvèsè nè mvèsè.

<sup>6</sup> Anə geŋ, masinjà Nwì ànə dək fa mɯ də, <<Ncèep yè'sə zìnə, co ŋwè dzəm tse' yà'. Tà Nwì àvès nè yi fagè ŋgàa tsòhòbum ye yòŋsè ye də wo tsoho ncèp ye nè, tumsə vèsə masinjà ye nè yi. Yi tumsə nà' də nà'a kə tsok fa bùu sè wo sə bɛ' mandzè ye wèŋ bum sè yà'a nè ye mvək ghàr.>>

<sup>7</sup> Jisòs də, <<Kà swì də mɯ nè bwi və mvək ghàr swì. A nè ye rɛŋsi wùriŋ bohòŋwè nè yi

nòņsə bum sè yi yuk yà' ndzənə ɲwàk ènə, busə Nwì nitsè' fa bwiņ yà' yi bə tu ye.>>

### *Jisòs Kɛəp NğòBwì Vəə*

<sup>8</sup> Mù Jon, mù a yuk bum yè'sə bə ntu'u am, nə ye yà' sè' bə lis am. Mù à yuk nə ye wes yà' vɛ'nə fana, mù bɛhɛ tsoņ mantombii masinjà nə sə nze də mɛ kuksə yi.

<sup>9</sup> Fana yi duk mɛ də, <<Kà vɛ'nə gù, mù mègù sè' ɲgà fàk Nwì co wù bə bwe ma yo sè wo ɲgàa tsòhòbum Nwì. Mù megu sè' co ndàaņwè pwe' nè yi sə nòņsə ncèp nè nà' cu ndzənə ɲwàk ènə. Njwè nè co wo kuksə yi mègù Nwì yiìyi.>>

<sup>10</sup> Yi à duk fa fe'lə mɛ sè' də, <<Bum sè Nwì nitsè' yà' ndzənə ɲwàk nè'e yè'e, kà də wu swihi yà' duk. Gù də ndàaņwè pwe'fo' riņ bə zeņ, bùusè mvək bohòbum yè'sə ɲgòye, kɛəp laņ.

<sup>11</sup> Mvəək mok bùè fana mè'rə ɲwè nè yi sə gù ye bɛp sə gù ntèn. Nğà gù bum sè jì marè'tu sə gɛ ye sè' ntèn. Nə ye də ɲwè nè yi sə gù ye yusè yà'a kəkurè sə gɛ ye sè'. Njwè nè yi sə bɛ' ye mandzè nè Nwii sə bɛ' lo ye sè' ntèn.>>

<sup>12</sup> Jisòs sə duk də, <<Yu'rə na yè, mù sə foho vè mvək momjo. Mɛ vəə, mù tse' və bə yusè mɛ nə lak ndàaņwè pwe' bə zeņ. Mɛ nə lak ndàaņwè pwe'fo' mvè'nè fàak ye sè yi à gùu.

<sup>13</sup> Mɛ Alfà nə ye Òmegà\*, nè mù à yèto, nə ye nè mù lèsə sè' mɛ, mɛ ɲwè nè mantombi nə ye

---

\* **22:13 22:13** Alfà nə a liņ ncòm nè nà' yèto bə ncòm sè ɲgòcòm ncèep lak bùu Gris wèņ fo'. Wo togè liņ ncòm nè nà' lèsə nə də Òmegà.

nè mankwèŋ. Bum pwe' à yèto vè bohòmù, bum pwe' nè kè mè sè' bohòmù.>>

14 Rɛŋsi bohòbù sè wo à cùk cèək awo rərəŋ. Yà'a wo sè wo nè tse' mandzè nè ɲgòni lòmùmɔwɛ' lak yà'sə, nè zɛ nto'o tɛ nè nà'a fagè bwì lùŋ nè.

15 Bù sè wo nè kà kùu awo mɔwɛ' lak yà'sə kè nèŋ yùu' a bù sè wo co ɲgbù, bù ɲgàa rùm, ɲgàa kohòsàhà, ɲgàa zə bwì, ɲgàa gù rùm, nè ye ɲgàa cì' mɔwès nè sə kwa bə zɛŋ kwaa.

16 <<Mù Jisòs, mù tum fa wɛŋ masinjà àm də ya yi tsok fa wɛŋ bum yè'e pwe' bùu cos àm lòŋ fo'. A mù ɲgwì bwì ɲkum Devid nè ye sè' mù nè mɔ sɛŋtsok nè.>>

17 Yòŋsè Nwì bə ɲgwegù Mo Nsùŋgaŋ nè wèŋ, bə nà' sə dɛk də, <<Vèə.>> Ndàaŋwè nè yi yuk ncèp ènə, wo dɛk sè' dɛk də, <<Vèə.>> Ndàaŋwè nè ɲjè ndzəp nè nà'a fagè bwì lùŋ nè sə ya-a yi, yi və sè', nè kə no. Yi və, nè kə no wà.

18 Mù sə sè ntu'u ndàaŋwè pwe' nè yi yuk ncèp nè nà' tesə vè bohòYòŋsè Nwì, sè wo com yà' ndzənə ɲwàk nè'e dɛk də, a ye-a ɲga ɲwè nəmòk yamsə naaŋ gèsə lòyumok mənə ncèp ènə, Nwii nè yamsə naaŋ gesə lo fa yi ɲgə' sè wo còm yà' ndzənə ɲwàk ènə sè'.

19 Nə ye sè' də, a ye-a ɲga ɲwè nəmòk cok fis-a ncèp mòk nja sè', Nwii nè cok fis gesə ma nje sè'. Yi nè kà bo sənə tɛ nè nà'a fagè bwì lùŋ nè tse', nè kà mɔwɛ' lak nè rərəŋ sè wo còm yà' ndzənə ɲwàk nè'e sè kè ni.

<sup>20</sup> Yi nè yi sè dè bum yè'sè zìnè nè sè duk dè,  
<<Zìnè, mà sè bwì vè mvèk momjo.>> A kwi' dè,  
<<Mè'rè yà'a ye vè'nè, Vèè Tà Jisòs.>>

<sup>21</sup> Bèbo nè Tà Jisòs ye bohòbù Nwì wèṅ  
pwe'fo'. Yà'a ye vè'nè.



**Nwàk Nwì Ma Rùk Nè Fi**  
**New Testament in Yamba**

copyright © 2011 Wycliffe Bible Translators, Inc.

Language: (Yamba)

Contributor: Wycliffe Bible Translators, Inc.

All rights reserved.

2020-12-01

---

PDF generated using Haiola and XeLaTeX on 18 Apr 2025 from source  
files dated 29 Jan 2022

c475d5b3-da44-51cf-93ca-f255b72fe481